


11. 6. 11. 34



1.5.27

I
C
E
54

11-14.I.17

41. 6. II. 34



CENSVRA IN ARRESTVM PARLAMENTALE CVRIAE CRIMINALIS

Col. Rom. Soc. Legu PARISIENSIS *cat. msscript.*

Pronunciatum die xxix. Decembris.

an. 1594. contra Ioannem Ca-
stellum, & RR. Patres So-

ex legto sac. Tol. cietatis IESV.

Francisco Penia Auctore.



ROMAE, apud Nicolaum Mutium. M. D. XCV.
SVPERIORVM PERMISSV.

INDEX CAPITVM
HVIVS CENSURAE.

6639



CAP. I.

Ompendiaria totius Arresti
sententia. pag. 1

CAP. II.

Parlamentum, nec debuisse, nec potuisse
aliquid attentare super facto con-
cernente Divinam Maiestatem.
pag. 4

CAP. III.

Censura in primam propositionem à
Castello prolatam iuxta Parlamen-
ti sensum, cui videntur favere qua-
dam sacrarum literarum testimo-
nia, & Concilij Constantiensis dis-

†

finis.

CAP. IIII.

Vera & Catholica censura in eadem
primam propositionem secundum
sententiam proferentis. 13

CAP. V.

Qua sit sententia diuinarum scriptu-
rarum, & Concilij Constantiensis
supra cap. iiij. inductorum pro Par-
lamento, unde apparet eiusde Par-
lamenti impostura. 20

CAP. VI.

Henricum Borbonium vere esse Ty-
rannum. 28

CAP. VII.

Henricum Borbonium, quia haeticus

*Et Ecclesia rebellis declaratus est ,
tanquam diffidatum Et bannitum
iure quoque à quolibet privato ob-
truncari posse .* 29

CAP. VIII.

*An expediat potius tolerare tyrannos ,
quam eos interficere : Et quid de
haeretico Principe sit iudicandum .
pag. 35*

CAP. IX.

*Censura in alterâ Castelli propositio-
nem ex sententiâ Parlamēti; cui pro-
xime annectitur vera Et Catholi-
ca censura secundum Catholicum
Castelli sensum . 45*

CAP. X.

*Series decreti Parlamentalis, quo Re-
uerendi*

uerendi Patres Societatis Iesu è to-
to Regno Francia abire iussi sunt :
Et brevis enarratio totius rei gesta .
pag. 58

CAP. XI.

Iniustum ac euidenter iniquum fuisse
decretũ, quo Reuer. Patres Iesuitæ e
Francia Regno pulsati sunt. 64

CAP. XII.

Patres societatis Iesu non esse iuuen-
tutis corruptores, sed integros, Et
incorruptos honorum morum ma-
gistros Et doctrina Christiana ve-
races Et assiduos Doctores. 69

CAP. XIII.


Iesuitas non esse pacis Et tranquillita-
tis publicæ perturbatores. 78

CAP.

CAP. XIII.


*Iesuitas non esse Regis aut status ini-
micos, ut Parlamentum asseruit.*
pag. 82

F I N I S.



1811
The King and Queen
in Council
have ordered that
the said
should be
done
in the
year 1811

1811



CENSURA
IN ARRESTVM
PARLAMENTALE
CVRIAE CRIMINALIS
PARISIENSIS

Pronunciatum die xxix. Decembris.
an. 1594. contra Ioannem Ca-
stellum, & RR. Patres So-
cietatis IESV.



Compendiaria totius Arresti sententia.
Cap. 1.

IOANNES Castellus Iuuenis
Parisiensis ex honesto parente
Mercatore natus die xxvj. De-
cemb. an. 1594. Henricū Bor-
bonium aggressus, cultro eum
interficere nititur, sed mox cō-
prehensus carceri destinatur, interrogatur, tor-
quetur, & confessus factum, pronūciatur pro-
pter

pter duas hæreticales propositiones assertas, & paricidiū in personam Regis attētatum, commisisse crimen læsæ maiestatis diuinæ, & humanæ in primo capite; & propter vtrumq; præcipitur satisfacere, ita vt primum confiteretur se per falsas, & damnabiles instructiones asseruisse duas propositiones, quas iussus est detestari & abiurare: Prima erat hæc: permissum esse interficere Reges: Altera erat: Henricum Quartū qui nunc regnat, nō esse in Ecclesia, donec esset à Romano Pōtifice approbatus. Mox pro crimine læsæ maiestatis satisfactūrus, Primum ignitis forcipibus ad brachia, & crura admotis laceratur, postea quatuor equis alligatus eisdemq; in diuersa incitatis, membratim discerpitur, inde comburitur, & cineres in aerem iactantur.

His absolutis Parlamentum sub interminatione criminis læsæ maiestatis, prohibet ne quisquam eas propositiones publicè, vel occultè proferre audeat, quas declarauit scandalosas, seditiosas, verbo Dei contrarias, & per sacros canones tanquam hæreticas condemnatas.

Quia verò Ioannes Castellus in Collegio Claramontense literis operam dederat, & Patres societatis I E S V tanquā magistros agnoscebat, & venerabatur, addidit Parlamentum,

vt

3

vt omnes presbyteri, & scholares Collegij Claramontensis, & omnes alij eiusdem religionis ubiq; commorantes tanquam iuventutis corruptores, & publicæ quietis perturbatores, & Regis inimici, infra triduum à die publicationis illius Arresti numerandum, e Ciuitate Lutetia, ac infra Quindecim alios à toto Regno recederent; quibus elapsis, qui reperti forent in Regno commorari tanquam læsæ maiestatis rei punirentur.

Hæc sunt præcipua eius Arresti capita, quæ quo grauior est causa, de qua in eis agitur, eo sunt diligentius perpendenda & examinanda, omissis vero articulis profanis, de ecclesiasticis tantum differendum est.

*Parlamentum nec debuisse, nec potuisse
aliquid attentare super facto con-
cernente Diuinam Maie-
statem. Cap. II.*



OVO & insolito exemplo in
messen alienā misit manū sæ-
culare iudicum Parlāmentum;
& canones Romanæ Ecclesiæ
aperte contēpsit. Quamquam
enim Castellus, aut de hæresi
suspectus, aut manifeste hæreticus fuisset, non
potuit super eo articulo Magistratus sæcularis
cognoscere; cui nominatim à iurē interdictum
est, ne de crimine hæresis directe vel indirecte co-
gnoscat. Sic enim habet Ecclesiæ Rom. cōstitu-
tio, quā Principes & Magistratus sæculares vere
catholici, inuicem obseruant: *Prohibe-
mus quoq; districtius Potestatibus, Dominis tē-
poralibus, & Rectoribus, eorundemq. Officia-
libus, ne ipsi de hoc crimine, cum mere sit Ec-
clesiasticū, quoquomodo cognoscant vel iudicent.*
[Cap. vt Inquisitionis. §. prohibemus. vbi communiter
canonistæ. De hæreticis lib. 6. Conradus, Brunns, lib. 4.
de hæret. cap. 14.]

Quæ sententia adeo vera est, vt Iudices sæculares postquã ab Inquisitoribus hæreticæ prauitatis, vel Episcopis locorũ, traditos sibi hæreticos puniendos recipiunt, teneantur illorum sententias executioni mandare, absq; vlla processuum in iudicio Ecclesiastico agitatorum requisitione. Quamquam enim superioribus sæculis, quando non vigeabant hæreses, Bartolus, Fulgosius, Paulus de Castro, & alij quidam iuris Ciuilis interpretes sine malitia, aliud senserint, Canonistę tamen magis canonice cõtrariũ censuerũt, quorũ sentetia aperta Ecclesię sanctione munita est. [*Bartolus, Fulgosius, Paulus Castrẽsis, & alij in l. Magistratibus. ff. de iurisdic. omnium Iudic. canonistę in cap. vt Inquisitionis. §. prohibemus. De hæreti. lib. 6. Abbas, & Ancharanus, in cap. At si clerici. de Iudic. Idem Ancharanus in cap. Ea quę. quest. 9. de regul. iuris. lib. 6. Ioannes de Imola in cap. 1. de offic. ordinari. Iason, & alij in dicta. l. Magistratibus. ff. de iurisdic. omnium Iudic.*]

Eamq; sententiam ad tollendum superiorẽ iurisconsultorum errorem definierunt præter Bonifacium Octauum, Alexander Quartus, & Innocentius Octauus; certum & præfinitum tempus præscribẽtes magistratibus sæcularibus, infra cuius metas Iudicum Ecclesiasticorum sententias contra hæreticos latas exequi deberent.

[*Alexander iij. constitutione incip. ad audientiam. Innocentius Octauus constitutione incip. Dilectus filius. Bonifacius Octauus in cap. vt Inquisitionis. §. prohibemus de hæreticis. lib. 6.*]

Si Parlamentum, hæreticum aut suspectum de hæresi putabat fuisse Castellum, debuerat iuxta canonicas sanctiones, suspensa tantisper aliorum criminum cognitione, illum inquisitori, aut eo deficiente (neq; enim adest nunc Inquisitor Lutetiæ cōtra hæreticos) Episcopo Parisiensi denuntiare, qui habita primum quæstione de prætenso læsæ maiestatis diuinæ crimine, reumq; si opus esset, hæreticas vel suspectas propositiones abiurare coactum, permetteret deinde iudicio Parlamenti pro alijs delictis iudicandum, & puniendum. Hoc enim censendarum propositionum hæreticalium munus, & hæreticos iudicandi, Episcoporum, & Inquisitorum proprium est, nec vlllo pacto pertinet ad iudicium sæculare. [*Cap. ad abolendam. de hæretic. cap. vt Inquisitionis. §. prohibemus. de hæret. lib. 6. Pius V. ordinatione incip. Sanctissimus Dñs. Conradus Brunus lib. 4. de hæret. cap. 14.*]

Quod si quis in gratiam Parlamenti dixerit, iudices non diffiniuisse hæreticas esse illas propositiones, quas Castellus protulerat, sed denunciauissse solum hæreticas quidem fore censendas,
cum

cum iam Ecclesiæ iudicio tamquam hæreticales damnatæ videantur, & præsertim prima propositio de interficiendis tyrannis, quam Constantiense Concilium hæreticam iudicauit, vt paulo post dicetur, si quis inquam ita dixerit, miserrime quidem errabit; cum neq; iudicium declarationis ad Parlamentum pertineat, id enim negotium (vt Lucius & Bonifacius cœsuerunt,) Ecclesiasticorum est, non laicorum, qui neq; directè neq; indirectè de causis fidei cognoscere possunt, aut iudicare. [*Lucius tertius in cap. ad abolendam de hæret. Bonifacius Octauus in cap. vt Inquisitionis. S. prohibemus. de hæret. lib. 6. Conradus, Brunus, lib. 4. de hæret. cap. 14.*]

Iudicium enim sæcularium potestas & officiū in causa hæresis quemadmodum & in ceteris criminibus Ecclesiasticis, in exequendo versatur, non in iudicando. Magistratus sæcularis hæreticos damnare non potest, sed contra damnatos à iudicibus Ecclesiasticis pœnam iuris exequi debet. [*Cap. ad abolendam. de hæret. cap. vt Inquisitionis. S. vtq; de hæresi. & vtrobiq; Canonistæ eod. tit. lib. 6.*]

Atq; hæc breuiter de vsurpato per Parlamentum iudicio in crimine læsæ maiestatis diuinæ; quod neq; iure potuit, neq; sibi licuit vsurpare, nunc de propositionum qualitate videamus.

Censura in primam propositionē à Castello prolatā iuxta Parlamenti sensum, cui videtur favere quædam sacrarum literarū testimonia. & Concilij Constantiensis diffinitio.

Cap. III.



PRIMUM Castelli propositionem hanc fuisse recenset Arrestum: *Estre permis de tuer les Roys*: idest, *esse permissum interficere Reges*. Eandem Parliamentum declaravit scandalosam, seditiosam, contrariam verbo Dei, & per sacros Canones tanquam hæreticam condemnatam.

Ac primum scandalosam esse, & seditiosam, tum ratio naturalis, tum bene ordinatus reipublicæ status ostendunt: cum omnia tumultibus permiscerentur, & nemo tutus vivere, aut pacificè sua retinere posset, si cuilibet interficere Reges, libere permetteretur.

Rursus diuinis iussionibus frequenter iubemur Regibus & Principibus obedire, & eisdem debitum honorem deferre. Pauli sententia cla-

ra extat in hæc verba: *Omnis anima Potestatibus sublimioribus subdita sit: non est enim potestas nisi à Deo: quæ autem sunt à Deo, ordinate sunt. Itaq; qui resistit potestati, Dei ordinationi resistit. Qui autem resistunt, ipsi sibi damnationem acquirunt.* [S. Paulus ad Romanos. cap. 13.]

Idem ad Titum scribit ita: *Admone illos Principibus, & Potestatibus subditos esse, dicto obedire, ad omne opus bonum paratos esse.* [S. Paulus ad Titum. cap. 3.] Idem scribens ad Timotheum, quanti pendat causam imo salutem Regis, demonstrat ita scribendo: *Obsecro igitur primum omnium fieri obsecrationes, orationes, postulationes, gratiarum actiones pro omnibus hominibus: pro Regibus & omnibus qui in sublimitate sunt, ut quietam, & tranquillam vitam agamus in omni pietate, & castitate. hoc enim bonum est & acceptum coram salvatore nostro Deo, Hæc ibi.* [S. Paulus. 1. ad Timoth. cap. 2.]

Petrus quoque Apostolorum Princeps & Christi Vicarius, idem argumentum paulo fusius prosequitur dicens: *Subiecti estote omni humane creature propter Deum: siue Regi quasi precelenti: siue ducibus tanquam ab eo missis ad vindictam*

*dictā malefactorum, laudē vero bonorum: quia
sic est voluntas Dei, ut beneficientes obmutescere
faciatis imprudentium hominum ignorantia
omnes honorate: fraternitatem diligite: Deum
timete: Regem honorificate. [S. Petrus Epist. I.
cap. 2.]*

Cum Dominus, & Saluator noster Christus, iubet quæ sunt Cæsaris Cæsari reddi, & quæ sunt Dei, Deo, obsequium Regiæ potestati impendi debere docet.

Quod si Hieremias propheta pro vita idololatræ Regis Nabuchodonosor orare admonet, quāto magis pro salute Christianorum Regum, ab omnibus ordinibus est humiliter supplicandum? aut quanto maiorem honorem eis exhibere oportebit? [*Hieremiæ cap. 29.*]

Eandem sententiam & diuinum præceptum de obedientia Regibus exhibenda honoreque deferendo, sacri Canones sæpe commendant, Concilia Ecclesiæ probatā imperant, & Sancti Patres reuerenter adimplendum docent, in quibus sunt Patres Concilij Parisiensis sub Ludouico & Lothario. [*Lib. 2. cap. 8.*]

Quinimo Conciliū Constantiense propositionem asserentem nō modo Reges, verūetiam tyrannos posse impune interfici, tanquam hæreticam

cam condemnauit, facilius scilicet damnaturum
assertionem à Castello prolatam, qui non de ty-
rannis, qui valde reipublicæ solent esse pern-
ciosi, sed Regibus interficiendis locutus fuisse
dicitur, Patres enim Concilij Constantiensis his
verbis censuerunt,

Condemnatio illius propositionis:
Quilibet Tyrannus, &c.

PRÆCIPVA solitudine volens hæc
sacrosancta Synodus ad extirpationem
errorum & hæresum in diuersis mundi
partibus inualescentium prouidere, sicut tene-
tur, & ad hoc collecta est: nuper accepit, quod
nonnullæ assertiones erroneæ in fide & bonis mo-
ribus, ac multipliciter scandalosæ, totiusque
reipublicæ statum & ordinem subuertere mo-
lientes, dogmatizatae sunt, inter quas hæc asser-
tio delata est: Quilibet tyrannus potest & debet
licite, & meritorie occidi, per quemcumque va-
sallum suum & subditum, etiam per clancula-
res insidias: & subtiles blanditias vel adulation-
es, non obstante quocumque præstito iuramento,

*dictā malefactorum, laudē vero bonorum: quia
sic est voluntas Dei, ut beneficientes obmutescere
faciatis imprudentium hominum ignorantia.
omnes honorate: fraternitatem diligite: Deum
timete: Regem honorificate. [S. Petrus Epist. I.
cap. 2.]*

Cum Dominus, & Saluator noster Christus, iubet quæ sunt Cæsaris Cæsari reddi, & quæ sunt Dei, Deo, obsequium Regiæ potestati impendi debere docet.

Quod si Hieremias propheta pro vita idololatræ Regis Nabuchodonosor orare admonet, quāto magis pro salute Christianorum Regum, ab omnibus ordinibus est humiliter supplicandum? aut quanto maiorem honorem eis exhibere oportebit? [*Hieremiæ cap. 29.*]

Eandem sententiam & diuinum præceptum de obedientia Regibus exhibenda honoreque deferendo, sacri Canones sæpe commendant, Concilia Ecclesiæ probatā imperant, & Sancti Patres reuerenter adimplendum docent, in quibus sunt Patres Concilij Parisiensis sub Ludouico & Lothario. [*Lib. 2. cap. 8.*]

Quinimo Conciliū Constantiense propositionem asserentem nō modo Reges, verū etiam tyrannos posse impune interfici, tanquam hæreticam

cam condemnauit, facilius scilicet damnaturum
assertionem à Castello prolatam, qui non de ty-
rannis, qui valde reipublicæ solent esse pern-
ciosi, sed Regibus interficiendis locutus fuisse
dicitur, Patres enim Concilij Constantiensis his
verbis censuerunt,

Condemnatio illius propositionis:
Quilibet Tyrannus, &c.

PRÆCIPVA sollicitudine volens hæc
sacrosancta Synodus ad extirpationem
errorum & hæresum in diuersis mundi
partibus inualescentium providere, sicut tene-
tur, & ad hoc collecta est: nuper accepit, quod
nonnullæ assertiones erroneæ in fide & bonis mo-
ribus, ac multipliciter scandalosæ, totiusque
reipublicæ statum & ordinem subuertere mo-
lientes, dogmatizatae sunt, inter quas hæc asser-
tio delata est: Quilibet tyrannus potest & debet
licite, & meritorie occidi, per quemcumque va-
sallum suum & subditum, etiam per clancula-
res insidias: & subtiles blanditias vel adulation-
es, non obstante quocumq; præstito iuramento,
sen

seu confederatione factis cum eo, non expectata sententia vel mandato iudicis cuiuscumq;. Aduersus hunc errorem satagens haec sancta synodus insurgere, & ipsum funditus tollere, praehabita deliberatione matura, declarat, decernit, & diffinit, huiusmodi doctrinam erroneam esse in fide & in moribus: ipsamq; tanquam hereticam, scandalosam, & ad fraudes, deceptiones, mendacia, proditones, periuria vias dantem, reprobatur & cōdemnat. Declarat insuper, decernit, & diffinit, quod pertinaciter doctrinam hanc perniciosissimam asserentes, sunt heretici, & tanquam tales iuxta Canonicas sanctiones puniendi. Hactenus ibi. [Concilium Constantiense sess. XV. non procul à fine. pag. 846. tomo. 3. Conciliorum. ex Colonienſi editione anno M. D. L X V I I.]

Ex his videtur iure inferri posse primam propositionem à Castello prolatam, iuxta censura fuisse à Parlamento notatam.

*Vera & Catholica censura in eandem
primam propositionem secundum
sententiam proferentis.*

Cap. IIII.



P R I M I S obseruandum est, Castellum non simpliciter & indistincte sicut Arrestum recitauit, eam assertionem protulisse, sed adiunxisse qualitates, quibus assertio vera & catholica sit cēsenda, nempe se interficere decreuisse Nauarum tanquam tyrannum, & hypocritam, & religionis catholicæ euerforem; sic enim fuisse locutum multorum literis & fidei relatione nunciatum est. Qua in re nihil Christiano viro indignum fecisse, aut affirmasse censendus est, cum Henricum Borbonium, sedes Apostolica hæreticū, impenitentem, & relapsū, Diuinæ Maiestatis reū, & orthodoxæ fidei Christianæ hostē, & ob id omni dignitate & Regni Franciæ successione indignum priuatūq; pronunciauerit.

Rursus illud animaduertendum, eundē Borbonium neq; à Romano Pontifice habilitatum, & absolutum, neq; more maiorum inauguratū, Regnum inuadere, a cuius successione legitima,
omni

omni iure, ciuili & Pontificio, & lege fundamentali eiusdem Regni Franciæ, tanquam hæreticus manifestus fuerat prohibitus, & omni Regia, & qualibet alia dignitate priuatus; eumque propterea quod Regnum nō suum inuadit, & populos ad se minime pertinentes sibi obedire compellit, non dubium, sed vere ac proprie esse tyrannum, in prima tyrannorum specie constitutum, quos iura etiam naturalia tanquam inuisos omnibus & execrabiles detestantur; [*Aristoteles lib. 4. politicor. cap. x. vers. Tertia species tyrannidis. S. Thomas. 2. 2. quest. 64. art. 2. & 3. & opusculo xx. de Regimine Principum. lib. 1. cap. 6. & lib. 2. sentent. distinct. 44. quest. 2. art. 2. ad ult. argumentum.*]

De duplici Tyrannorum genere.

QUod ut exploratius intelligatur, omiſſa nunc illa Borbonij obſcæna hæreſis macula, quam ex fætidiffimo Caluinistarum cæno contraxit, de qua paulo poſt differemus; ſcire oportet, duo eſſe Principum tyrannorū genera: quidā ſunt tyranni ſecundū ſubſtantiā, videlicet titulo & inuaſione, qui vi & potentia principatum ſibi nullo iure debitum inuadunt, & uſurpant, & conciues æquales ſibi obedire contra leges

ges patrias compellunt, quales olim Syracusis Dionysius, Athenis Pisistratus, & Romæ Iulius Cæsar fuisse memoratur: qui propterea maximi & crudelissimi tyranni censentur, quia contra mores Patriæ, & plurimorum voluntatem, vel fraudibus, vel vi & impressione bellica, Imperium, aut Regnum adepti sunt; & (vt prudenter scripsit Aristoteles) per tyrannidem Monarchicam, quæ nullis subiacet legibus, dominantur per vim æqualibus & melioribus, non ad utilitatem subditorum, sed ad propria commoda respicientes. [*Aristoteles lib. 4. Politicor. cap. x. S. Thomas Opusculo xx. de Regimine Principum lib. I. cap. 6. & eius interpretes. 2. 2. quæst. 64. art. 3. ubi egregie Caietanus.*]

Alij sunt tyranni quo ad modum, sola nempe gubernatione tyranni, qui cum vel moribus patrijs, vel legitima populi electione, aut hæreditaria successione, aliouè iusto titulo regnum sint ingressi, postea vel ab adulatoribus & pessimis consiliarijs deprauati, vel propria malitia à recta virtutis via, in vitia deflectentes, à Regio Dominatu in tyrannidem degenerant, & paulatim Reges esse desinentes, tyranni efficiuntur. [*Aristoteles lib. 8. moralium cap. x. Interpretes. S. Thomas. 2. 2. quæst. 64. art. 3. & ibi in primis Caietanus.*]

Hac tyrannorum differentia constituta, non est

est admodum difficile pronunciare, an & quomodo eos interficere liceat; nam de primis tyrannis, qui patriam repugnantem & contradicentem suo Imperio obtemperare compellunt, inter doctores nō est controuersia, quin à priuato quolibet licite possint interfici: cū enim eiusmodi tyranni nulla iniuria laceffiti, Regnum inuadant, & ciues naturali & ciuili iure sibi æquales, ad suam obedientiam cogant, & eorum bona ad suam vtilitatem & vsum, ipsis inuitis, conuertenda auferant, & more latronum grassentur, qui pecunias viatoribus eripiunt, & eadem lege, qua Pyratæ vtantur, qui naues infirmiores aggreduuntur, & vectores spoliatos remigum loco sibi seruire compellunt, inde mox consequitur, vt iure optimo, à priuato quolibet ciue necari possint: non est enim quæstio, quin isti latrones & pyratæ ab illis, quos inuadunt iure possint interimi. Imo tanto æquius & iustius interficiuntur, quanto huiusmodi tyranni grauiora damna inferunt pluribus, toti videlicet Regno, quàm publici viarum grassatores & piratæ, qui paucioribus nocere consueuerunt.

Et hæc sententia tunc potissimum locum habet, quando non est facilis recursus ad superiorem, qui huiusmodi tyrannorum conatum reprimat & impediatur, tunc enim quilibet priuatus

tan-

tanquam suæ republicæ defensor, potest tyrannum trucidare: cum iure naturæ unicuique concedatur ius repellendi vim, quam patitur sua respublica: qua vim patiente, eadem ipse vim tanquam reipublicæ membrum patiatur. Item quia quilibet priuatus ius habet ad suam rempublicam defendendam bello defensivo iusto, contra inuadentem illam, bello offensiuo iniquo, siue apertò siue per fraudes occulto.

Nec est dubium quin tyranni de quibus agimus, bellum iniquum & offensiuum inferant Regnis, quæ sibi non debita occupare conantur. [*S. Thomæ interpretes. 2. 2. quest. 64. art. 3. Paris de puteo tract. de syndicatu. de excessibus Regum cap. 3. Sotus lib. 5. de iustitia & iure. quest. 1. art. 3. vers. si vero tyrannide.*]

Illud præterea obseruatione dignum est, quod de hac facti specie differens S. Thomas addit, nempe laudari & præmium accipere eum, qui ad patriam liberandam occidit tyrannum, qui per violentiam surripit dominium nolentibus, aut etiam ad consensum coactis. [*S. Thomas lib. 2. sent. dist. 44. q. 2. art. 2. ad vltimum argumentum.*]

Et de his plane tyrannis maiori ex parte accipienda sunt, quæ Philosophi de illis interficiendis, literarum monumentis commendarunt, tyrannorum interfectores non reprehendentes,

sed magnis laudibus celebrātes, sapienter enim Cicero præ ceteris videtur pronuntiasse, nullam esse nobis societatem cum tyrannis, sed potius summam distractionem: neque esse contra naturam spoliare tyrannum, quem honestum est, necare. Atque hoc omne genus pestiferum ex hominum communitate exterminandum esse.

Et enim ut membra, inquit Cicero, quedam amputantur, si & ipsa sanguine, & tanquam spiritu carere cæperunt, & nocent reliquis partibus corporis: sic ista in figura hominis feritas & immanitas bellue, à communi tanquam humanitate corporis segreganda est. Hactenus Cicero.
[Lib. 3. de officijs.]

De secundo genere Tyrannorum.

DE secundo tyrannorum genere maior est dubitatio: nam si cuilibet subdito liceret eiusmodi tyrānos necare, magna iustitiæ perturbatio sequeretur: tumultibus aperiretur aditus: reipublicæ status facile peruerteretur, neque vlla posset inter ciues esse tranquillitas, nulla tuta fides, nulla pax, nulla stabilis aut firma concordia.

Et propterea cum in quæstionem reuocatur,
An

An hos tyrannos occidere liceat, hæc distinctio adhiberi solet, vt antequam Princeps quispiam à legitimo iudice, legitime damnatus sit, quamuis tyrannidem in subditos exerceat, patienter magis ferendus sit, quam cæde vindicandus; tunc enim nullo pacto eum interficere licet, talis namq. quâuis tyrannice dominando iura Regis transgrediatur, donec à Iudice legitimo exauctoretur, semper remanet Rex: & propterea hæreticum erit asserere, hunc tyrannum interficere licere: contraria enim assertio catholica plane est, & de fide tenenda, vt probât rationes ab Alfonso commemoratæ, [*Alfonsus Castus lib. 14. aduersus hæreses in verbo Tyrannus.*]

Idem vero Rex si propter demerita & excessus tyrannicos damnatus fuerit, & regia dignitate Regnoque, priuatus, & post condemnationem de facto Regnum retineat, aut semel expulsus, iterum occupare nitatur, tanquam hostis publicus, qui ad perdendam patriam, & ciues oppressurus venerit, necari à Ciuibus poterit: quilibet enim tunc tanquam Iustitiæ & Principis supremi, qui tyrannum exauctorauit, minister, ius necis habet in illum. [*Ioannes Gerson par. 1. tract. 13. tit. de assertionibus Ioannis Parui.*]

Et iuxta has distinctiones conciliandi sunt doctores articulum hunc de interficiendis, aut nō

interficiendis tyrannis tractantes, ex quibus quidam iuste interficiendos putant, alij nequaquam interficiendos censent, quidam autem an Reipublicæ expediat, dubitant. [S. Thomas, & inibi eius interpretes. 2. 2. quest. 64. art. 3. idem opusculo. xx. lib. 1. cap. 6. Conradus Brunus. lib. 6. de seditionis cap. 3. Alfonsus Castrus. lib. 14. aduersus hæreses. in verbo. Subditus. & in verbo. Tyrannus. Restaurus Castaldus. tract. de Imperatore. quest. 82. Hieronimus Gigas. tract. de crimine læsæ maiestatis. lib. 1. quest. 65. Dominicus Sotus. lib. 5. de iustitia. & iure. quest. 1. art. 3.]

Hæc omnia ex his, quæ rursus paulo fusius explicabuntur, maiorem lucem accipient.

Quæ sit sententia diuinarum scripturarum, & Concilij Constantiensis supra cap. iij. inductorum pro Parlamento, unde apparet eiusdem Parlamenti impostura. Cap. V.



DIVINA testimonia Cap. 3. relata, quibus subditi Regibus & Principibus obedientiam exhibere iubentur, non habent locum in tyrānis, qui nunquam veri Reges, aut Prin-

Principes extiterunt; nam Regum & Principum appellatione, vere non intelliguntur tyranni. [*Glos. communiter recepta in Clement. 1. in verbo. Regum. de baptis. & eius effect. Hieronymus Gigas tract. de crimine læsæ maiestatis. lib. 1. quest. 65.*]


Imo vero Principes tyranni nullam maiestatem habere dicuntur; & propterea qui contra eos armantur, aut seditionem machinantur, nec censentur læsæ maiestatis crimen committere, nec pœnis id crimen perpetrantium iure coerceri possunt. [*Alexander consil. 13. incip. Consideratis. lib. 6. Gigas. cod. tract. quest. 65. Silvester verbo, Seditio. quest. 4.*]

Sed neque intelliguntur de tyrannis secundi generis, isti enim postquam iusto vel Reipublicæ, vel Principis superioris decreto, tyranni, aut rebelles, aut Reipublicæ, vel quod grauius est, Ecclesiæ hostes pronunciati sunt, veri Reges & Principes esse desinunt, & propterea à quolibet priuato ciue tanquam publico iustitiæ ministro, obtruncari possunt. Quod vt mox explicabitur, non videtur diuinis exemplis contrarium.

Cum autem S. Petrus iubet, seruos subditos esse debere dominis in omni timore, non tantum bonis, & modestis, sed etiam discolis, non imperat obedire Principibus vere tyrannis, sed ijs, qui licet à recta gubernâdi ratione declinaue

rint,

B. 3



rint, nondum tamen veri tyranni euaserunt: Reges enim legitime ab initio constituti, propter vnum, aut alterum iniustitiæ actum, non efficiuntur protinus tyranni: isti namq. quâuis iniusti, vel discoli Principes dici possint, tyranni tamen dici non poterunt, nec iuste propterea eis obedientiæ debitum denegabitur. [*S. Petrus. epist. 1. cap. 2. Sotus lib. 5. de iustitia & iure. quæst. 1. art. 3. quod videtur esse ex sententia S. Thomæ 2. 2. quæst. 104. art. 6. & lib. 4. sent. distinct. 44. quæst. 2. art. 2.*]

Ac multo quidem minus præcepit hæreticis Principibus obedire, quos probe nouerat iuris dominandi esse incapaces: & notum est, subditos ab eorum dominio liberari. [*Cap. absolutos. de hæretic. S. Thomas 2. 2. quæst. 12. art. 2. Directorium Inquisitor. parte. 3. quæst. 119. Alfonso Castus. lib. 2. cap. 7. de iusta hæreticor. punit.*]

¶ Constat præterea perperam dictum à Parlamento, propositionem asserentem licere interficere Reges tyrannos esse hæreticam, & verbo Dei contrariam, cum diuina auctoritate, & permissum id, & laudatum videatur.

Aod enim Israelita, Dei auctoritate saluator populo datus, Eglon tyrannum Regem Moab, qui populum Dei XVIII. tyrannide oppresserat, ancipiti gladio, quem occulte sub fago deferrebat, dum verbum secretū ei se velle dice-

re simulat, obtruncavit. [Iudicum. cap. 3.]

Post mortem Aod Saluatoris Israelis, cum populus Dei malum fecisset coram Domino, Iabin Rex Chanaan per XX. annos miserrima tyrannide Israelitas coercuit, cumque Sisara militiæ Princeps, valido prælio contra Hebræos congrederetur, & victus tandem fugiens ad tentorium Iahel vxoris Haber peruenisset: illa postquam tyrannum lacte pauisset, & operuisset, paulo post abscondite & cum silentio ingressa, ferreum clauum, quem de tabernaculo acceperat, supra tempus capitis illius posuit, percussuq; malleo defixit in cerebrum vsque ad terram. Itaque Sisara soporem morti consocians, defecit, & mortuus est. [Iudicum. cap. 4.]

Ad hunc modum de tyranno per sceminam reportata victoria, populus Dei lætitia perfusus, laudes Domino cecinit, neque silentio egregiū & memorabile Iahelis factum inuoluit, cum de illa in hæc verba diuinum extet eloquium:

Benedicta inter mulieres Iahel vxor Haber Cinei, & benedicatur in tabernaculo suo.

Aquam petenti lac dedit, & in Phiala Principum obtulit butyrum.

Sinistram manum misit ad clauum, & dexteram ad fabrorum malleos, percussuq; Sisaram.

querens in capite vulneri locum, & tempus valide perforans. Hæc ibi. [Iudicum. cap. 5.]

Fœminam occulte tyrānum iugulantem benedictam, non maledictam in sacris literis appellatam conspiciamus.

Iudith Holofernem tyrannum interfectura, ieiunat, ad Deum preces ex intimo corde fundit, pauidum populū in Dei misericordia spem ponere hortatur; Denique hominis Deo rebellis caput amputatura, robur à Deo, & fortitudinem sibi impartiri feruentissime precatur: neq; irritus factus est pius eius conatus, cum superbi hostis caput absciderit, & simul Bethuliam obsidione liberauerit. Neque est Catholicus quisquam, qui factum Iudith, quod sacra Scriptura placitum fuisse Deo narrat, & fœminæ sanctitatem nobis commendat, detestari, aut in dubium hæctenus reuocare sit ausus. [*Iudit cap. 7. & 8. & multis seqq.*]

Concilij Constantiensis damnantis articulum asserentem licere interficere
Tyrannum, qui fuerit sensus.

Patres Concilij Constantiensis non loquuntur de primo tyrannorum genere, de quo non erat dubitatio, sed de secundo.

Quia

Quia verò periculosum erat, cuiuslibet privati arbitrio relinquere iudiciū de internoscendis, aut diiudicandis tyrannis, ideo legitimi Iudicis sententiam postulauerunt, ac recte propterea censuerunt errare illos in fide & moribus, qui existimarent licitum esse interficere tyrannos, non expectata sententia, vel mandato cuiuscunque Iudicis. Ac iuxta hunc plane sensum intelligendum esse concilium, ipsa illius verba patentissime demonstrant.

In cuius interpretatione negligēs mihi fuisse videtur Alfonsus Castus, qui cum neque de tyrannis distinxisset, neque tam clara Concilij verba considerasset, indistincte præter Concilij mentem, hæreticum articulum affirmavit. Illius tamen rationes non concludunt hæreticum esse asserere occidere tyrannum, nisi secundi generis, idque ante legitimi Iudicis sententiam.

Vnde ineptum est ad omnes tyrannos Concilij decretum trahere sicut istius Parlamenti Iudices contra à pertam Concilij sententiam traxisse videntur. [*Concilium Constantiense. sess. xv. in fine. sots lib. 5. de iustitia & iure. quest. 1. artic. 3. Michael Salon. tract. de iustitia ad S. Thomā 2. 2. quest. 64. art. 3. controuersia. 1. Alfonsus Castus lib. 14. aduersus hæreses in verbo, Tyrannus.*]

Quam-

Quamquam & aliam quoq; præter istā fuisse Concilij Constantiensis sententiam, exploratum est ijs, qui Vicleffitarum, & Hussitarum errores nouerunt. Cum enim (vt idem Concilium refert) Ioannes Vicleff, & Ioannes Huss pertinaciter sentirent, & assererent, nullum esse Dominum Ciuilem, nullumq. Prælatum, aut Episcopum, dum est in peccato mortali; ex hoc ruinoso fundamento deducebant tyrannū esse eum Regem, eumq. Episcopum & Prælatum, qui Euangelij à se inuenti prædicationem impediret, in eo enim censebant illos mortaliter peccare, & ob id protinus tyrannos euadere. Quibus erroribus mox alium grauiorē addebant: nam cum ad hunc modum, quos volebant suo arbitratu tyrannos constituerent, ac effingerent, discipulos suos docebant simulare, dissimulare, mentiri, peierare, blandiri, adulari, modo tyrannos, idest, suæ doctrinæ resistentes è mundo tollerent & exterminarent: quam blasphemiam Concilium merito tanquam hereticam condemnauit: quoniam grauiterrabānt illi Heresiarchæ in constituendis seu diffiniendis tyrannis. [*Concilium Constantiense sess. 8. in erroribus Ioannis Vicleff. art. 15. & in erroribus Ioannis Hufs. art. 30.*]

Causam huius erroris condemnandi Concilio

cilio Constantiensi præbere etiam potuit Magister quidam Ioannes cognomine Paruus, ille enim (vt testatur Gerson) cōstanter assererat, licitum esse vnicuique subdito absq; quocūq; præcepto vel mandato secundum leges, naturalem, moralem, & diuinam occidere, vel occidi facere quemlibet tyrannum, qui per cupiditatem, fraudem, sortilegium, vel malum ingenium machinatur contra salutem corporalē Regis sui, & superiorum omnium.

Quam assertionem tunc Episcopus Parisiensis tanquam erroneam in fide & moribus merito condemnauit: cum antequam licite tyrannus interfici possit, constare debeat illum esse vere & publice tyrannum; *Constabit autem*, inquit, *Gerson notorietate iuris, vel facti, vt quia sententia lata sit contra illū, vel nulla possit excusatione negari.* [Ioānes Gerson operum parte 1. tract. 13. tit. assertiones Magistri Ioannis Parui.]

Omnes itaq; Doctores in hæc dogmata cōsentire videntur; Primum, licere obtruncare tyrannos primi generis: præsertim cum nō patet recursus ad superiorem, qui tyrannum comprehendat.

Alterum, non licere interficere tyrannos secundi generis antequam præcedat legitimus iudicis

dicis sententia seu declaratio, iuxta Concilij Constantiensis decretum.

Tertium, declaratione subsecuta, & sententia lata, tyrannum de medio tollere, licebit.

Num autem magis expediat tolerare tyrannum, quam occidere, ne ex cæde eius deterior contingat euentus, paulo post explicabitur.

*Henricum Borbonium vere esse
Tyrannum. Cap. VI.*



P V D Catholicos, quibus credendum est potius quam suspectis in fide Borbonistis & Nauarristis, nec est, nec esse potest cōtrouersia, quin Henricus Borbonius sit vere tyrannus: nam si primam tyrannidis speciem contemplemur, ille sub illa comprehenditur: quia Regnū Franciæ, à quo propter manifestam hæresim exclusus est, per bellicam impressionem inuadit: quod si secundam speciem tyrānorum intueamur, ac concedamus Henrico, iure successionis sibi tāquam primo Regij sanguinis Principi deberi Regnum, pronunciare quoque necesse est, eum esse tyrannum, cum occupet Regnum,

gnum, quo à Sede Apostolica fuit propter hæ-
resim & relapsum, per sententiam legitimè pri-
uatus : vnde cum instar Eglon Regis Moab ca-
tholicos opprimat, & instar Iabin Regis Cha-
nanæorum & Sifaræ Ducis illius, catholicos
gravi tyrannide vexet, & instar Holofernus Ec-
clesiam obsideat, & eius libertatem, quam ha-
bet in Christo Iesu, in seruitutem sectæ Calui-
nisticæ redigere conetur, siue aliquis Aod, siue
quæpiam Iahel, siue Iudith illum confodiat,
vt catholicum regnum de manu illius eripiat,
non videtur esse contra diuinæ punitionis, &
permissionis exempla. [*Iudicum cap. 3. 4. & 5.*
& *Iudith. cap. 13.*]

*Henricum Borbonium quia hereticus
& Ecclesiæ rebellis declaratus est,
tanquam diffidatum & bannitum
iure quoque à quolibet priuato ob-
truncari posse. Cap. VII.*



ONSTITVTIONE Apo-
stolica contra duos Henricos
Nauarræ Regem, & Principem
Condensem, à fel. recor. Sixto
V. edita, cui Collegium Cardi-
narium

nalium subscripsit, ita diffinitum extat: *Pronunciamus & declaramus Henricum quondā Regem, & Henricum Condensem supradictos, fuisse & esse hereticos; in hæreses relapsos, & impænitentes, hereticorumque duces, fautores, & defensores manifestos, publicos & notorios, sicque Lesæ maiestatis Diuinæ reos, & orthodoxæ fidei Christianæ hostes, adeo ut nulla possint se tergiuersatione; aut excusatione defendere: ac proinde eos damnabiliter incurrisse in sententiis, censuras, & pœnas sacris Canonibus, & Constitutionibus Apostolicis, legibusque generalibus, & particularibus contentas, & hereticis relapsis & impænitentibus debitas. Hæc ibi.*

Hæc, protinus efficitur, eos fuisse & esse diffidatos atque bannitos, tales enim sunt, qui per sententiam Iudicis Ecclesiastici hæreseos damnati sunt, sic enim Fredericus Imperator constituit: *Catharos, Patarenos, & omnes hereticos utriusque sexus quocumque nomine censeantur, perpetua damnamus infamia: diffidamus atque bannimus.* [*Auibe. u. Gazaros. C. de heretic. quæ sui de sumpta ex legibus Frederici latis hortante Ecclesia Romana contra omnes hereticos.*

Nec

Nec refert fi quis dixerit, iſtis legibus nō teneri Reges Franciæ, quaſi nunquam fuerint Imperatoribus ſubiekti, nec eorum iuriſdictionem recognouerint, quia præterquam quod, vt ſæpe alias diximus, Borbonius nec eſt, nec eſſe poteſt Catholicorum Rex, cum Eccleſia Romana eas Frederici leges approbauerit, ac (vt vulgus loquitur) canonizauerint, reuera etiam ſecundum Eccleſiæ leges, diffidatus & bannitus erit. Eas leges multi Pontifices comprobauerunt, & reſcriptis ſuis Apoſtolicis inſeruerunt, vt nec de illis amplius ſit dubitandum, nec tam ſæculares, quàm Pontificiæ ſint cenſendæ. [*Innocentius. 4. Alexander. 4. & Clemens. 4. reſcriptis incipien. Cum aduerſus. habentur impreſſæ. in fine Directorij Inquiſitor. inter literas Apoſtolicas pro officio Sanctæ Inquiſitionis.*]

Cum ergo ſedis Apoſtolicæ iudicio legitimo, diuinæ maiestatis reus declaratus ſit, diffidatus & bannitus ipſo iure remanſit, id eſt, extra omne legum beneficium & auxilium poſitus; vnde nedum per iudicem, verum etiam per priuatum quemlibet, tanquam publicus hoſtis interfici impune poterit: diffidare enim atque bannire (vt cōmuni conſeſſu iureconſultorum ſchola cenſuit) nihil aliud eſt. quam ſtatueret, vel præcipere, vt impune qui banni-

& diffidati sunt , occidi possint . [*Angelus consil. 14. incip. nos Carolus. nu. 3. vers. in hoc ergo. Geminianus in cap. 1. §. fin. nu. 11. vers. quæro quid importet. de homicidio. lib. 6. ubi Philippus Franchus. nu. 5. vers. Decimo noto. Bartholomeus Cepolla. consil. 8. nu. 5. Aegidius Bossius tit. Banniti quid amittant. nu. 8. Petrus Godofredus in authent. Gazaros. C. de hæretic.*]

Possunt enim Principes ob publicâ vtilitatem , indicere certis quibusdâ malefactoribus bellum , vt vel grauitate pœnarum maleficio submoueantur , vel eorum exemplo ciues in officio contineantur . Ideoque recte Angelus putat contra diffidatos & bannitos publice esse bellum indictum , & consequenter impune à quolibet etiam priuato posse necari , sicut de transfugis cõstituit Martianus dicens : *Transfugas licet ubicumque inuenti fuerint , quasi hostes interficere .* [*Angelus dicto Consil. 14. Martianus in l. 3. §. fin. ff. ad legem Cornel. de Sicar.*]

Et quemadmodum valet statutum permit- tens bannitos impune posse occidi , quos propter perpetrata homicidia , aliaq. atrocia delicta loco hostium habendos censet , & banno publico exponi , vt à quibuslibet offendantur . [*Cinus in l. reos. nu. 9. quæst. 6. C. de accusat. Ioannes*

Andr.

Andr. in additionib. ad speculatorem. tit. de constit. S. 1.
Alexander. consil. 114. incip. ponderatis. lib. 1.
Decius consil. 327. incip. viso casu proposito. Cra-
uetta consil. 2. nu. 8. Hippolitus Marsilius in practica
crimin. S. aggredior. nu. 1. late Iason. in. l. ubi pactum.
C. de transactionibus. Berous consil. 54. incip. ad fa-
uorem. nu. 35. & seq. lib. 2.]

Eodem modo banniti à lege ciuili, vel cano-
 nica, cessantibus statutis, possunt impune of-
 fendi. [*Geminianus in cap. 1. in fine. de homicidio.*
lib. 6. Bossius. tit. bannit. quid amittant. nu. 8. Cepolla
consil. 8. nu. 5. vers. & idem erit de iure commu-
ni.]

Iam cum inter bannitos, & diffidatos, id est,
 Reipublicæ hostes declaratos, nulli sint magis
 execrables, & perniciosi quam hæretici, si ce-
 teros bannitos, vt hætenus dictum est, impu-
 ne interficere licet, cur non hæreticos impune,
 ac etiam meritoriè obtruncare licebit? & ma-
 xime potentes, qui suo exemplo infinitas fide-
 lium animas trahunt in æternam damnatio-
 nem?

Quod si hæreticus de quo interficiendo agi-
 tur, sit præterea declaratus relapsus, nulla est
 prorsus difficultas: cum iure Pontificio consti-
 tutum sit, eum & si conuertatur, non esse ad
 vitam temporalem admittendum. [*Cap. super*

eo. de hæretic. lib. 6. sanctus Thomas. 2.2. quest. xj. art. 4.]

Denique sententiam hanc de permissa hæreticorum occisione, postquam sententia declaratoria præcessit, per quam à legitimo Iudice hæretici declarati sunt, communiter amplectuntur Canonistæ, magna quidem auctoritate suffulti, cum Dominus necandos præceperit omnes, qui populum suum fidelem ad cultum alienorum Deorum inducebant, & Mathathias interfecerit eum, qui ad aram sacrificaturus, accesserat, & S. Cyprianus idem suadere videatur. [Canonistæ in cap. præsidentes. de hæretic. lib. 6. ubi præ ceteris Geminianus, & Franchus. Dominus in lege veteri. Deuteron. cap. 13. Mathathias. lib. 1. Machabæor. cap. 2. Cyprianus in libro de exhortatione Martyrij. cap. 5. refertur in cap. si audieris. 23. quest. 5.]

*An expediat potius tolerare tyrannos,
quam eos interficere : Et quid de
heretico Principe sit iudican-
dum . Cap. VIII.*



RX supradictis constat quomo-
do interfectio tyrannorū vel
sit, vel nō sit illicita, sed num.
Reipublicæ expediat, grauis
est dubitatio, quam augent
& auctoritas & rationes, qui-
bus S. Thomas, & alij eum secuti, non sunt ausi,
constanter affirmare, licere semper obtrunca-
re tyrānos . Aiunt enim vtilius esse ad tempus
tyrannidem tolerare, quā interfecto tyran-
no multis periculis, ipsa sæpe tyrannide, gra-
uioribus, Rempublicam implicare . tum quia
si tyrannus præualeat, iracundia prouocatus
magis sæuire solet : si autem vincatur, tunc aut
alius solet truculentior & immanior succedere,
aut in factiones concisus populus, misera-
biles commouet dissensiones, quibus multo
magis atteritur Respublica, quā sub sæui ty-
ranni interfecti, aut expulsi dominatione pre-
meretur . [*S. Thomas opusculo xx. lib. i. cap. 6. Ger-
son parte. 1. tract. 13. in assertionibus Magistris Ioan-*

nis Parui. Sotus lib. 5. de iustitia & iure quest. 1. art. 3.]

Maiores præterea nostrorum exemplis instruimur, non esse in vitam Principum tyrannorum machinandum: cum enim olim multi Romani Imperatores fidem Christianam tyrannice persequerentur, & magna multitudo tum nobilium, tum popularium, Christum confiteretur, tantum abest, ut in Principum salutem Christiani machinati fuerint, ut pro illis potius preces ad Deum fudisse, ex antiquis Patribus constet. [*S. Clemens lib. 8. cap. 18. constit. Apostolicarum. Tertullianus in Apologetico aduersus gentes cap. 30. & 39. Theophylus Alexandrinus epistola 1. paschali.*]

Et propterea, ut ista damna vitentur, non videtur priuata auctoritate interficiendus tyrannus, sed vel Principis superioris, ad quem pertinet multitudini de Rege prouidere, auxilium implorandum est, ut tyrannum debellet: vel si contra tyrannum omnino deficiat præsidium humanum, recurrendum est ad Regem omnium Deum, & humiliter ei supplicandum, ut vel cor tyranni crudele conuertat in mansuetudinem, vel de medio tollat, aut ad infimum statum reducat. [*S. Thomas opusculo 20. lib. 1. cap. 6.*]

Atque hæc est istorum virorum sententia. quam & si non putamus aspernendam, non ta-
men

men censemus indistinctè recipiendam, aut ita ampliandam, vt omnem tyrannum tueatur.

S. Thomas, Gerson, Sotus, & alij præcitatis locis, nullum verbum de Rege hæretico, nullum de tyranno populum seducente, & ab auita maiorum fide Christiana, ad deliria, & fabulas hæreticorum amplectenda, vel compellente, vel per edictum de credendi libertate, vel per honores hæreticis, eorumq; fautoribus delatos, paulatim ad suam hæresim trahente: neque de tyranno hæretico per Ecclesiam declarato, à Regno expulso, & à Regni successione priuato, & quod est lōge deterius, de hæretico impœnitente relapso, quem omnia iura diuina & humana detestantur, & elementa ipsa, si fari possent, abominarētur. Si enim de tali tyrāno institutus fuisset S. Thomæ sermo, nō dubium, quin censuisset illū, nedū à quolibet priuato interficiendū, sed tāquam putridū cadauer canibus etiam laniandū ac deuorandū exponendū.

Tria sunt potissimum, quæ à simili cæde abstinentum suadere videntur.

Primum, Principis ipsius hæretici tyranni maiestas.

Alterum, reipublicæ vtilitas, ne maioribus periculis obijciatur.

Tertium, maiorum nostrorum exempla.

De singulis videamus, illud primum admonentes, nos de Principe, seu Rege hæretico declarato sermonem institutum prosequi.

Quod attinet ad primum de tyranni, seu hæretici Principis maiestate, nullum pondus habet, cum paulo antea docuerimus, Principes tyrannos, seu hæreticos nullam habere maiestatem, & propterea illorum interfectores non subdi pœnis constitutis contra reos Maiestatis humanæ. [*Supra cap. 5.*]

Minus obstat secundum de Reipublicæ utilitate, quia nulla potest excogitari maior, aut funestior perniciēs, quam Regem hæreticum agnoscere. si vno Rege hæretico interfecto, alter hæreticus Princeps omnino successurus foret in Regno, anceps tunc esset deliberatio, an primum occidere expediret, cum sub successore hæretico perinde esset periclitatura religio, ac sub antecessore: cæterum si non timeretur eiusmodi euentus, sed potius vel speraretur eligendum Regem catholicum, quæ in re vigilantissime esset Romano Pontifici incumbendum, vel Regnum diuidendum, & potestati Principum Catholicorum subdendum, tunc nulla diuisio, aut factio esset tantam perniciem Regno allatura, quàm affert hæretici Regis præfectura: tametsi enim ex illa diuisione, atque
in

in diuerſas factiones ſeſtione, bonis externis, & temporalibus multorum ciuium detrimentum inferatur, non tamen periclitatur religio, cum catholici iam libertate fruuntur, & hæretici hæretico Rege ſublato conſternantur, & viribus minuantur. Quam rationem S. Thomas prudentiſſime contemplatus, rectiſſime cenſuit, non eſſe permittendum, vt hæreticis præſertim relapſis corporalis vita condonetur. [*S. Thom. 2. 2. quæſt. 11. art. 4.*]

Sed neq; ad Regem hæreticum poſſunt trahi, quæ ſanctus Thomas, & alij de tyranno interficiendo dubitantes, ſcripſerunt; cum non ſit opinandum virum ſanctum, in quæſtionem aut dubium reuocaſſe, quæ ab Eccleſia catholica de ea re conſtituta extant & diffinita. Si enim Regem hæreticum tolerare patienter expediret, quid profuiſſet Reipublicæ Chriſtianæ cōſtituiſſe, vt ſubditi ab omni obligatione, qua principibus & dominis hæreticis tenebantur obſtriſti, liberarentur? [*cap. abſolutos. de hæret.*]

Cur vniuerſalis catholica Eccleſia in Spiritu ſancto legitime congregata, tam anxie, tam diligenter, tam ſollicitè admonet Principes ſæculares, vt dominia ſua purgēt ab hæretica fœditate, indeq; hæreticos vniuerſos expellant, aut ſi moniti & requiſiti id facere neglexerint,

excommunicationis vinculo innodentur, & satisfacere contemnentes dominijs priuentur, & vassalli ab eorum fidelitate absoluti denunciētur, & terræ ac dominia exponantur Catholicis occupanda? dum enim hæc constituit sancta mater Ecclesia, apertissime censuit, non esse conuiendum cum Regibus hæreticis, sed eos modis omnibus dignitatibus deiiciendos ac deturbandos, vt catholicis in illorum locum aditus patere possit. [*Concilium generale Lateranense sub Innocentio 3. cap. 3. refertur in cap. excommunicamus. il primo. de hæret.*]

Cum generalis Concilij Patres sanciuerunt deturbandos Reges hæreticos, & Regnis priuandos, si negligentes sint in hæreticis extirpandis, optime nouerāt grauissimos propterea tumultus orituros, & dissidia maxima in Republica concitanda, cum raro aut nunquam visum sit, Principes præsertim malos spontè regnis cedere; verum quia ex sola negligentia in hæreticis persequendis cernebant multo maiora religioni catholicæ accidere mala, ideo huic maiori malo mederi primum voluerunt.

Ratione enim & exemplis notum fit, nihil funestius Rege hæretico posse in catholicorum populis reperiri.

Ratio in promptu est: possunt Reges, quia diuites

diuites sunt, munera multis largiri: possunt,
quia potentes sunt, multos sibi resistentes gra-
uibus pœnis afficere: possunt datis muneribus,
& honoribus distributis, multos sibi concilia-
re, & in suam sententiam trahere: possunt item
nutantes vel præmio, vel metu flectere: iam cū
hæc, præmium, honor, & spes maiora quæren-
di, & metus amittendi aut bona, aut vitam, aut
honorem, plurimum in animis mortalium sem-
per potuerint ac possint, consequens est, vt bre-
ui tempore subditi Principibus imperantibus
placere cupiant: nulla re autem magis Regi-
bus se placere posse putant, quàm si eam reli-
gionem, quàm illi profitentur, amplectantur.
Inde mox cōtingit in moribus & religione mu-
ratio. Quia, vt prudenter Poeta cecinit.

componitur orbis

Regis ad exemplum, nec sic inflectere sensus.
Humanos edicta valent, quàm vita regentis.
Mobile mutatur semper cum Principe vulgus.
[*Claudianus de quarto Honorij consulato.*]

*Solent enim semper homines, (vt ait Hero-
dianus) Vitam principis æmulari.* [*Herodianus
lib. I. histor. in Marco Imperatore, non procul ab initio.*]

Exempla frequentia extant: regnantibus in
Israele idololatri Regibus, Ieroboam, Baasa,
Ela,

Ela, Zambri, Amri, Achab, & similibus, populus Idolis sacrificare non destitit: Regum enim impiorum sequebantur insaniam.

Post Christi Domini aduentum, ac postquā Imperatores Romanorum Catholicam fidem susceperunt, quando vere Catholici imperabant Principes, maximū vbiq̃ue terrarum Religio Christiana suscipiebat incrementum: cū vero hæretici, & apostatæ, aut desertores imperium tenebāt, grauis multorum iactura præsto aderat. Sic scimus sub Iuliano Apostata, sub Valente, sub Valeriano, & alijs plurimos defecisse Christianos, pluresq̃. fuissent defecturi, nisi martyrum confessio constantiaq̃. in fide Catholica roborasset.

Insigniter itaque & perniciose errant, qui putant propter Reipublicæ vtilitatem à cæde Principum hæreticorum abstinendum.

Postremum de maiorum nostrorum exemplis, quibus displicuisse videtur huiusmodi remediū, ex eo quod nusquam apparet hoc suasse viros sanctos, qui potius elegerunt sub tyrānis Principibus misérias, & cruciatus patienter tolerare, quam ad illos occidendos quemquam hortari, non reddit suspectā, aut falsam superiorem sententiam: quoniam neque nos, neq̃; alij huius dogmatis assertores hortamur quem-

quemquam, vt imprudenter has cædes machinetur, sed illatas non damnamus, quemadmodum neque maiores nostri etiam viri sancti, qui veri Dei cultum omni conatu propagare studebant, hos principum hæreticorum infelices exitus ægre tulerunt, aut eorum interfectores condemnauerunt.

Nemo enim peccasse asseruit militem illū, (si tamen miles fuit) qui Iulianum Imperatorē Catholicæ Religionis desertorem, sagitta de improviso emissā, necauit. quinimo magnis laudibus eum extulit Sozomenus. [*Socrates lib. 3. histor. ecclesiast. cap. 18. Theodorus lib. 3. cap. 20. Sozomenus lib. 6. cap. 2.*]

Nemo damnauit Gotthos, qui Valentem Arianum in tugurio latitantem subiecto igni concremarunt. [*Theodorus lib. 4. histor. Ecclesiast. cap. 31. Nicephorus lib. 11. cap. 50.*]

Nemo Ariadnam Imperatricem impiam appellauit, quod impium Zenonem morbo comitiali correptum, adhuc viuentem curauit sepeliendum, adhibitis custodibus, ne cum eui-gilasset, educi de sepulchro posset. [*Zonaras tom. 3. annalium in Zenone.*]

Nemo Andreā illum impium dixit, qui Syracusis in balneo Cōstantem Imperatorem Deo & hominibus inuisum, cado graui-
piti

piti inflicto, quo calida aqua perfundi solebat, per insidias necauit. [*Cedrenus in Constante. & Zonaras tomo 3. annalium in vita Constantis.*]

Refertæ sunt similibus exēplis historiæ Ecclesiasticæ, ex quibus apparet Imperatoribus & Regibus hæreticis tamquam impijs & crudelissimis tyrannis cædes infelices & miserimas fuisse illatas, illorumq. obitum viris sanctis interdum in remotis locis agentibus, diuinitus reuelatum: nam Iuliani desertoris interitum Didymo Alexandrino, & Iuliano Sabæ Monacho insignis sanctitatis viro, alijsq. pijs Christianis per visionem fuisse significatum, vt ista consolatione cælesti ob partam Ecclesijs tranquillitatem propter tyranni obitum, recrearentur, Sozomenus & Nicephorus testantur. [*Sozomenus lib. 6, histor. Ecclesiast. cap. 2. Nicephorus lib. 10. cap. 35.*]

*Censura in alteram Castelli propositio-
nem ex sententia Parlamenti; cui
proxime annectitur vera & Ca-
tholica censura secundum Catholi-
cum Castelli sensum.*

Cap. IX.



ALTERA propositio, quā Ca-
stellus dicitur protulisse, huius-
modi erat: *Rex Hēricus quar-
tus, qui de præsenti regnat, non
est in Ecclesia, donec habeat ap-
probationem à Papa.*

Hanc Parlamentum, velut scandalosam, se-
ditiosam, & verbo Dei contrariam, & tanquā
hæreticam per sacros canones condemnatam,
declarauit.

Prima ratio, qua Parlamenti censura niti po-
tuit, hæc fuisse videtur: licet Principes sæcula-
res excommunicari possint, & excommunicati
declarari, iura enim extra cōtrouersiam id po-
nere videntur. [*Cap. quoniam quidem. l. 8. distin.*
vbi id notat glos. in verbo, Communione. cap. non
est. de sponsalib. vbi de Rege Angliæ fit mentio.]

Id tamen non habet locum in Rege Franciæ, qui à quocumque maxime sui Regni antistite, nec potest excommunicari, neque excommunicatus declarari. Quod antiquum Regum Franciæ priuilegium Clemens V. & Martinus V. teste Ioanne Feraldo ita declarasse videntur. [*Clemens V. in extrauagan. incip. Meruit. tit. de priuile. inter communes, & Martinus V. per Bullam suam hoc declarando ad perpetuam rei memoriam, concessit, teste Ioanne Feraldo tract. de iuribus & priuilegijs Regni Francorum, priuilegio 6.*]

Vnde si Rex Franciæ non potuit excommunicari, & sic per excommunicationem ab Ecclesiæ gremio separari, iuxta potissimum excommunicationis effectum, mentitus videtur Castellus dicens, Henricum non esse in Ecclesia, ante Romani Pontificis absolutionem, aut approbationem.

Sed videamus, vtrum hæc veritate nitantur, Primum illud verum est, posse Romanos Pontifices quempiam fauore prosequentes, ei concedere, ne excommunicari, aut interdici à quocumque antistite, vel Ecclesiæ Prælati valeat, Huiusmodi enim priuilegia singularibus olim personis, ac collegijs, & multis Religiosorum ordinibus fuisse concessa, exploratum est; & Ioannes quoque XXII. non obscure videtur signi-

significare. [*Ioannes X X I I. in extrauagan. incip. Frequentes. tit. de iudic. inter communes.*]

Ac verum præterea est, potuisse Romanos Pontifices id priuilegium concedere Regibus Franciæ, ac reuera etiam nonnullis concessisse, ne ab aliquo antistite excommunicarentur, aut excommunicati declararentur, aut interdicto supponerentur: nam S. Ludouico ab Alexandro I I I I. concessum scimus, Innocentius etiã I I I I. ante Regibus Franciæ concessisse fertur, vt sine speciali mandato Sedis Apostolicæ, nec Regnum, nec Regis caput interdicto Episcoporum feriretur: quod à Clemente I I I I. & Nicolao I I I. alijsq. multis Romanis Põtificibus ratum & comprobatum fuisse narratur.

At illud falsum, & aperte schismaticum est, Reges Franciæ à summis Pontificibus excommunicari non posse, nec vnquam potuisse.

Sed neque Feraldus id sensit, aut scripsit; nec quisquam sanæ mentis ita sentire, aut scribere potuisset: cum summi Pontifices, qui ea priuilegia concesserunt, eam potestatem & iurisdictionem excommunicandi Reges à se non abdicauerint, neque abdicare potuerint. [*Ioannes And. in cap. cum instantia. num. 9. & ibidem Panor. mitanus num. 6. de censib. quos cæteri communiter sequuntur.*]

Rursus

Rursus Parlamenti censuram tueri videtur aliud non minus illustre Regum Franciæ priuilegium: illi enim nemini videntur esse subiecti. Nam ex Feraldo & Igneo, alijsq. Francis scriptoribus, qui pro suorum Regum libertate plus æquo certarunt, apparet, illos nullum in temporalibus recognoscere superiorem, nec Imperatoribus Romanis esse subiectos. [*Ioannes Feraldus tract. de iuribus & priuileg. Regni Francorum. Ioannes Igneus in disputatione, An Rex Franciæ recognoscat Imperatorem.*]

Quam sententiā alij respectu Romanorum Pontificum veram esse censuerunt, putantes eosdem Galliæ Reges, neque summis Pontificibus in temporalibus esse subiectos: maxime cum & ipsi summi Pontifices id ingenue fateri & agnoscere videantur. [*Innocentius III. in cap. nouit. de iudicijs. & Clemens V. in extrauagan. incip. Meruit. de priuileg. inter communes.*]

Cæterum cum neque ex Decretali Innocentij III. neque ex Clementis V. extrauaganti; liqueret eos exemptos à summorum Pontificum potestate, respectu spiritualium, & causarum ad Ecclesiam pertinentium, quales proculdubio sunt, cum de peccato, & hæresis crimine omnium maximo tractatur, ac neque auctores Galli diffiteri hoc audeant. [*Arnulphus*

Rozæus tract. iuris Regaliæ privilegio, 59. numero 2.]
 Idque male haberet Nauarristas videntes suū
 Borbonium ea potissimū de causa excommu-
 nicatum, ideo vt ab his angustijs, quibus ve-
 hementer præmebantur, sese eriperent, ad no-
 uas & inauditas rationes more solito confu-
 gientes, nouissime duo dogmata pepererunt,
 & per vniuersum Franciæ Regnum, aliasque
 Prouincias libris editis promulgarunt.

Primum, Romanos Pontifices nihil eorum,
 quæ pertinent ad res temporales Regni Fran-
 ciæ, posse disponere, aut precipere: quinimo
 subditos Regis, etiam Clericos, non teneri su-
 per his eorundem Pontificum ordinationibus
 obedire. Alterum, quamuis Romani Pontifi-
 ces in rebus spiritualibus supremam auctori-
 tem habere cognoscantur, in Regno tamen Frā-
 ciæ illam esse restrictam, limitatam, & præfini-
 tam secundum canones, & regulas conciliorū
 in Francia receptorum. [*Hæc dogmata, & plura
 alia hæreticalia, & sacrilega contra Romanum Pontifi-
 cem, & Sedem Apostolicam continentur, & asseruntur
 in quodā libello sane schismatico superiori anno 1594.
 sine nomine auctoris Lugduni edito, cui titulus est: Li-
 bertates Ecclesiæ Gallicanæ.*]

In eo libello ex duobus illis dogmatibus,
 tamquam ex venenato fonte, multæ conclu-
 siones

siones hæreticæ & blasphemæ derivantur, in quibus vna hæc est præcipua, scilicet Romanos Pontifices non posse priuare Reges Franciæ, neque subditos debere eis obedientiam denegare ob quascumque monitiones, aut excommunicationes, aut interdicta contra ipsos lata: neque indigere dispensatione, aut Papæ absolutione: ex quibus iudicio Parlamenti non obscure consequebatur Castelli propositionem asserentem, Henricum Borbonium non esse in Ecclesia ante Papæ approbationem, fuisse temerariam & seditiosam.

Sed hæc falsa sunt, & facili negotio confutantur. Et isti dum magnam excellentemque Regum Francorum dignitatem, & auctoritatem ostendere conantur, magno dedecore & infamia eos afficiunt: quoniã aut Reges Franciæ sunt intra Ecclesiam, aut extra Ecclesiam, aut sunt de ouibus Christi, aut non sunt de Christi ouibus; si de ouibus Christi eos esse dixerint, necesse est fateantur, Christi Vicario esse subiectos, & ab illo posse ligari, & ligatos eiusdem absolutione indigere. Si non sunt de ouibus Christi, neque in illius concluduntur ouili, falso eos Christianissimos esse iactitant, & egregio primogenitorum Ecclesiæ filiorum nomine inaniter gloriantur.

Henricus (vt Ottho obseruat) inter Reges eius nominis quartus, sed inter Imperatores tertius; vt se neque à Pontifice Romano excommunicari potuisset, neque illius absolutione indiguisset ostenderet, similem blasphemiam olim Gregorio VII. obiecit dicitur: *Ferunt enim illum, nuntios misisse per prouincias, qui diceret, Iesum Christum, quando ter oues Petro pascebas commisit, Reges exceperunt, sed Pontificem per litteras natum populis fecisse, Deum in terris agentem, quando ligandi, & soluendi in celo, & terra potestatem Petro dedit; neminem exceperisse; eumq. qui ligari se à Pontifice posse negaret, quod absolui nequiret, confiteri, & sic ab omni Ecclesiæ corpore sequestrari.* [Ottho Frisingensis lib. I. cap. I. de gestis Frederici primi. Albertus Rantius lib. 5. Saxonie. cap. 6.]

Equidem Reges Franciæ vere christianissimi superioribus sæculis, qui & inclytum Regnum, & gloriam sibi immortalem compararunt, quique barbaris gentibus imperarunt, & Christianissimorum cognomen meruerunt, non sectabantur istas blasphemias, nec inanem istam solo nomine libertatem præferebant, sed ne diluuij aquis inundantibus mergerentur, in

arcam Noe, id est, in Ecclesiam catholicā Romanam, quam gubernat Petrus, hoc est, Christi Vicarius, auidissime ingrediebantur, & summam præclaramq. libertatem esse putabant, defendere Romanam Ecclesiam, donatis vrbibus & oppidis insignibus ditare, Pontifices profugos & exules in Regno humanissime recipere, stratorum vice illis inservire, pedes deosculari, armato milite in suam sedem restituere; legant suos annales, & memoria recolant aliquem Carlomanum, Pipinum, Ludouicū, & similes, & videbunt (nisi tenebris peccatorum, & hæresi excæcati, claram veritatis lucem videre non mereantur) gloriosos illos Reges, & sempiterna memoria dignos, propter obedientiam Romanæ Ecclesiæ, Christi Vicario in primis exhibitam, felicissimos successus habuisse.

Falsum præterea est, quemquam Romanū Pontificem id priuilegij Regibus Franciæ concessisse, vt ab eius iurisdictione & suprema potestate eximerentur: neque Clemens V. id vnquam indulsit, sed hoc tantum declarauit, ne Rex Franciæ illiusq. subditi per extrauagantem Bonifacij VIII. incip. *Vnam sanctam.* amplius Ecclesiæ quam prius erant, intelligerentur

rentur esse subiecti, ait enim ita: *Meruit charissimū filij nostri Philippi Regis Francorum illustriſſimæ ſincerae affectionis ad nos, & Eccleſiam Romanam integritas, & progenitorum ſuorum præclara merita meruerunt: meruit inſuper Regnicolarum puritas, ac deuotionis ſinceritas, ut tam Regem, quam Regnum fauore beneuoloproſequamur. Hinc eſt, quod nos Regi & Regno; per definitionem, & declarationem bonæ inem. Bonifacij viij. prædeceſſoris noſtri, quæ incipit: Vnam ſanctam: nullum volumus vel intendimus præiudiciū generari, nec quod per illam, Rex, Regnum, & Regnicole prælibati, amplius Eccleſiæ ſint ſubiecti Romanæ, quam antea exiſtebant: ſed omnia intelligantur in eodem eſſe ſtatu, quo erat ante diſſinitionem præfatam: tam quantum ad Eccleſiam, quam etiā ad Regem, Regnum, & Regnicolas ſuperius nominatos. Haſtenus ibi. [Clemens V. in extranag. meruit. tit. de priuilegijs inter communes.]*

Ex hac declaratione nō poſſunt Franci ſcriprores colligere exemptos eſſe ſuos Reges à Romanorum Pontificum poteſtate, quam ille iure Vicariatus Ieſu Chriſti habet in terris, ſu-

per omnes Christi oues: quo iure vsque adeo quidē omnes homines habet subiectos, vt nec consuetudine, nec priuilegio, nec præscriptione quacumque vel tempore immemorabili, volentibus etiā ipsis Christi Vicarijs, induci possit, vt ab eius iurisdictione eximantur, aut liberentur. [*Augustinus de Ammon. in summa de potestate Ecclesiastica, quæst. 61. artic. 2. & 3. Aluarus Pelagius lib. 1. de planctu Ecclesiæ, cap. 68. Panormitanus in cap. cum instantia, num. 6. vers. Quinimmo dicit. de censibus. Iacobatius tract. de concilio lib. 7. artic. 5. circa medium. Imola in cap. 1. de constit. & in cap. quanto. de consuetud.*]

Vnde quamquam gratis istius Parlamenti hominibus concederemus, Regem esse, aut Regem Franciæ aliquando fuisse Borbonium, non inde mox consequeretur, non potuisse illum excommunicari à Sixto V. alioue Romano Pontifice; aut tamdiu vere excommunicatum non existere, quamdiu ab eodem Pontifice excommunicante, vel eius successore non fuerit absolutus.

Quæ sententia cum de crimine hæresis agitur, verissima est, tunc enim nemo catholicus etiam de schola Francorum, ausus est asserere, Reges in causa hæresis a Pontificum Romanorum potestate, aut iurisdictione exemptos. Co-
gente

gente enim veritate hanc sententiam sacris canonibus per omnia consentientem, Canonistæ, Iurisperiti, & Theologi amplexi sunt, & Galli quoque scriptores laudant. [Cap. excommunicamus. cl. primo. & cap. absolutos. de hæret. Antonius de Rosellis tract. de potest. Papæ, & Imperatoris in response ad nonam rationem. folio mihi x. Ioannes Igneus in disputatione, An Rex Franciæ recognoscat Imperatorem. num. 99. Matthæus de Afflictis, quamvis loquatur in feudis. tit. quibus modis amittat. §. Item si quis feudū. nu. 83. Albertinus in repetitione cap. 1. de hæret. lib. 6. quest. 15. num. 36. Alphonsus Castus. lib. 2. cap. 7. de iusta hæret. punit. Simancas de cathol. institutionib. tit. 9. nu. 259. Ioannes Lopez tract. de Regno Navarrae, parte. 5. §. 7. Gregorius Lopez partia. 2. tit. 15. l. 2. Augustinus de Ancona in summa de potestate Ecclesiastica. quest. 46. art. 2. & 3.]

Postremò posset quispiam alia ratione defendere Parlamenti censuram, ex illa communi & recepta sententiâ Canonistarum asserentiū hæreticos in damnatas hæreses incidentes & poenitentes, ab Episcopis locorum absolui posse, etiam à censuris contra illos latis per sententias, & processus, qui olim contra hæreticos, & illorum fautores ter in anno à Romanis Pontificibus pronunciabantur: cum enim Pontifices nominatim sibi eam absolutionem non refer-

rent, Episcopis censebatur concessa absoluen-
di facultas. [*Archid. in cap. vt officium. in princip.
in verbo Impendatis. de hereticis. lib. 6. quem se-
quuntur ibidem Iouanes And. in cap. excommunicamus.
il primo. nu. 29. de heret. glos. in cap. 2. in verbo. Non
sicut. 24. quest. 1.*]

Vnde licet concederetur, Borbonium excō-
municari, & ab Ecclesiæ corpore sequestrari
potuisse, potuit ille ab Episcopis Regni Fran-
ciæ absolui absq; speciali Papæ mandato, præ-
sertim in casu necessitatis; & consequenter nō
erat verum quod Castellus asseruerat; non esse
illum in Ecclesia ante Papæ approbationem, &
absolutionem.

Non defuerunt superiori anno, qui eam ab-
solutionem scripto edito legitimam fuisse ostē-
dere sint conati, quorum errorem nos peculiari
libro confutantes, demonstrauimus nullam Epi-
scopos Franciæ iurisdictionem habuisse ad il-
lum absoluendum, & Ecclesiæ gremio restituē-
dum; ex eo libro copiose percipiet lector, quā
sit ista absurda sacrilegaq. sententia.

Nunc breuiter dixisse sufficiat, eam absolu-
tionem nullo pacto potuisse, aut posse suffraga-
ri Borbonio, primo, quia ab excommunicatio-
ne lata in processu Bullæ in cœna Domini, qui
singulis annis nunc fieri & pronuntiari feria v.
maioris

maioris hebdomadæ contra quoscunque hæreticos, & illorum fautores à summis Pontificibus consuevit, non possunt absoluerè Episcopi; quoniam Papa non obstantibus quorumcumque Conciliorum decretis, eam absolutionem sibi nominatim & expresse reseruauit, quam olim, vt antiqui Canonistæ affirmant, non reseruabat. [*Cap. 20. S. cæterum. processus Bullæ in Cæna Domini.*]

Præterea contra Borbonium extat specialis constitutio fel. record. Sixti V. per quam quoque ita ille remansit inhabilis, excōmunicatus & omni legitimo iure, & iuris priuilegio priuatus, vt ab alio, quàm a Romano Pōtifice benedici, absolui, habilitari, reintegrari, vel restitui minime possit. [*Constitutio Sixti V. edita cōtra Borbonium anno 1585. in qua declaratur hæreticus, relapsus, impænitens, hæreticorum Dux, fautor, & defensor manifestus, publicus & notorius, & læsæ maiestatis diuinæ reus, & orthodoxæ fidei cbristianæ hostis.*]

Quæ cum ita se habeant, nec Borbonius eiusuc fautores ostendant illū a Romano Pontifice absolutum, reuera non est ille in Ecclesia, quemadmodum sunt alij fideles nobiscum cōmunicantes: & propterea Castelli propositio vera est & catholica, Parlamenti autem censure erronea, schismatica, scandalosa, & vere
 Romanæ

Romanæ Ecclesiæ iniuriosa, & Romani Pontificis auctoritati detractiua.

Series decreti Parlamentalis, quo Reuerendi Patres Societatis Iesu è toto Regno Francia abire iussi sunt : Et breuis enarratio totius rei gestæ.

Cap. X.



VERSUS Parlamentum, vt ex Arresto ipso Gallice Parisijs impresso constat, cum Castellum damnasset, & duas supra explicatas illius propositiones hæreticas declarasset, iracundiæ suæ aculeos contra Iesuitas conuertit, atq; in hæc verba contra vniuersam illam sanctam, & Ecclesiæ catholicæ vtilissimam societatem infremuit: *Mandat*, scilicet Parlamentum, vt presbyteri & scholares Collegij Claramontensis, & omnes alij de dicta prætensa societate, tanquam corruptores iuuentutis, & perturbatores quietis publicæ, & inimici Regis & status, post tres dies a tempore intimationis præsen-

*ris Arresti computandos, a Lutetia, & ab om-
 nibus alijs urbibus & oppidis seu locis, ubi ha-
 bent sua collegia, recedant; & deinde infra xv.
 dies exhibunt extra Regnum, sub pœna quod si
 elapso dicto tempore in eo reperti fuerint com-
 morari, tãquam criminosi, & culpabiles crimi-
 nis læsæ maiestatis punientur. Bona verò eorum
 tam mobilia, quàm immobilia applicabuntur
 & assignabuntur pijs operibus, sicut Parlamen-
 tum duxerit ordinandum.*

*Præterea omnibus Regis subditis inhibetur
 sub eadẽ pœna criminis læsæ maiestatis, ne mit-
 tant scholares ad collegia prædictæ societatis,
 etiam quæ sunt extra Regnum Francia.*

*Ac tale profecto est Parlamenti decretum;
 cuius iustitiam & pietatem, vt facilius agno-
 scamus, quomodo sese res habuerit, breuiter
 est indicandum.*

*Anno superiori 1594. in ipso die Sancti
 Ioannis Euangelistæ 27. Decembris, Ioannes
 Castellus Parisiensis adolescens annorum cir-
 citer xx. Henricum Borbonium eodem die ex
 Picardia reuersum, hora septima post meridiẽ,
 gladio interficere est conatus: qui cum gut-*

tur transfigere vellent, in quod gladium direxerat, & Henricus expuendi gratia, caput paulū inclinasset, factum fuit propterea vt labium superius dextrum disciderit, dentemque solum fregerit. Mox captus, ac diligentissime inquisitus primo blanditijs, deinde minis, ac factis effracto scilicet minimo digito manus, atque appposito ad guttur pugione, de auctoribus & conscijs eius facti interrogatus, semper constantissime respondit, se id consilij cum nemine omnino comunicasse, ne ab incepto auocaretur, id vero suscepisse, vt Borbonium tanquam tyrannum, & hypocritam, & Religionis Catholicæ euerforem e medio tolleret. Duabus circiter horis postea missi sunt tres consiliarij cum armatis militibus in Collegiū societatis Iesu, (vbi adolescens dixerat se Philosophie cursum iam septem exactis mensibus audiuisse, tunc enim operam dabat iurisperudentiæ) qui primo aditu clauēs Ianitori detraxerunt, & vocato Patre Alexandro Georgio Rectore collegij, quaesierunt, quot e Iesuitis ibi habitarent; quo peracto Patrem Clementem Puteanum cū ceteris Patribus, & Fratribus in aedes vicini Consiliarij deduxerunt relicto in Collegio praesidio militum, & solo Rectore cum quibusdam egrotis, & conuictoribus omnibus, ne quid mali in-

terim

terim accideret.

Eadem nocte, quam omnes Iesuitæ duxerunt in somnem, vocatus est à primo Præsidente Parlamenti Pater Ioânes Gueretius adolescētis, (vt ipse indicauerat) in Philosophia Magister, atque diligenter & sœpius interrogatus, an eius facti conscius esset; quod cum ipse verissime negaret, adductus adolescens veritatem confirmavit, se videlicet illud neque illi, neque vlli alij communicasse; plurimum tamen dolere, quod videret Patres Societatis propterea in periculum adductos. Neque vero aliquid vnquam in eorum scholis audiuisse, ex quo ad id faciendum permotus esset; idque semper constantissime ad vltimum vsque spiritum affirmavit, tum sœpius à Iudicibus, de conscijs, si qui essent, interrogatus, & eos indicare iussus à Patre honesto mercatore, qui propterea cum omnibus consanguineis in carcerē coniectus fuerat, tum in tortura ordinaria & extraordinaria, & in grauissimis tormentis, quæ pertulit, videlicet amputata manu dextra, adhibitis forcipibus candentibus ad brachia & crura; & dum corpus in quattuor partes à quattuor equis discerperetur, eadem constantia in concepta sententia permansit.

Die sanctorum Innocentium mane Patē
Prouin-

tur transfigere vellet, in quod gladium direxerat, & Henricus expuendi gratia, caput paulū inclinasset, factum fuit propterea vt labium superius dextrum disciderit, dentemque solum fregerit. Mox captus, ac diligentissime inquisitus primo blanditijs, deinde minis, ac factis effracto scilicet minimo digito manus, arque appposito ad guttur pugione, de auctoribus & conscijs eius facti interrogatus, semper constanter respondit, se id consilij cum nemine omnino comunicasse, ne ab incepto auocaretur, id vero suscepisse, vt Borbonium tanquam tyrannum, & hypocritam, & Religionis Catholice euerforem e medio tolleret. Duabus circiter horis postea missi sunt tres consiliarij cum armatis militibus in Collegiū societatis Iesu, (vbi adolescens dixerat se Philosophiæ cursum iam septem exactis mensibus audiuisse, tunc enim operam dabat iurisprudentiæ) qui primo aditu clauēs Ianitori detraxerunt, & vocato Patre Alexandro Georgio Rectore collegij, quaesierunt, quot e Iesuitis ibi habitarent; quo peracto Patrem Clementem Puteanum cū ceteris Patribus, & Fratribus in aedes vicini Consiliarij deduxerunt relicto in Collegio praesidio militum, & solo Rectore cum quibusdam egrotis, & conuictoribus omnibus, ne quid mali interim

terimi accideret.

Eadem nocte, quam omnes Iesuitæ duxerunt in somnem, vocatus est à primo Præsidente Parlamenti Pater Ioânes Gueretius adolescētis, (vt ipse indicauerat) in Philosophia Magister, atque diligenter & sapius interrogatus, an eius facti conscius esset; quod cum ipse verissime negaret, adductus adolescens veritatem confirmavit, se videlicet illud neque illi, neque ulli alij communicasse; plurimum tamen dolere, quod videret Patres societatis propterea in periculum adductos. Neque vero aliquid vnquam in eorum scholis audiuisse, ex quo ad id faciendum permotus esset; idque semper constantissime ad vltimum vsque spiritum affirmavit, tum sapius à Iudicibus, de conscijs, si qui essent, interrogatus, & eos indicare iussus à Patre honesto mercatore, qui propterea cum omnibus consanguineis in carcerē coniectus fuerat, tum in tortura ordinaria & extraordinaria, & in grauissimis tormentis, quæ pertulit, videlicet amputata manu dextra, adhibitis forcipibus candentibus ad brachia & crura; & dum corpus in quattuor partes à quattuor equis discerperetur, eadem constantia in concepta sententia permanfit.

Die sanctorum Innocentium mane Patē
Prouin-

Prouincialis, & alij in Collegio reducti, impedi-
 entibus militibus, ne amici ad Collegium ac-
 cederent, neuè egredi liceret ad consulendum
 rebus vrgentibus; tempore prandij plerique
 iuniores aduocati, & alij à primo Præside in
 Collegiū missi, cubicula perquisierunt, libros,
 & chartas omnes curiosissime inspexerunt, &
 scripta aliqua secum asportarunt. Sub vespe-
 ram alios duos in carcerem coniecerunt, & se-
 quentibus diebus alios cum Patres, tum Fra-
 tres omnino octo, inter quos & ipse Pater Re-
 ctor, in obscurissima carcerum loca ijs, qui de
 vita periclitantur, destinata, separatim retrusi.

Die 29. Decembris, quo Castellus adole-
 scēs supplicio affectus est, Pater Gueretius præ-
 sentibus omnibus iudicibus seuerissime exami-
 natus, si forte vlla esset occasio illum condem-
 nandi, vna cum discipulo, ita satisfecit, vt in
 carcerem reductus, non nisi post decem dies
 torturam perferre iussus est, quam Dei ope iu-
 dicibus obstupescantibus, patientissime tole-
 rauit, tandem tanquam innocens cum alijs li-
 beratus est. Interim aliquot Iudices in Colle-
 gium missi, maiores conuictores examinarunt,
 rogaruntque, an aliquid à Patribus carcera-
 ris audiuiſſent, quo eos damnare possent; sed
 per Dei gratiam nihil compertum.

Ceterum Pater Ioannes Guignardus Theologiae professor, natione Gallus, laqueo vitam finire iussus est, ob inuentum inter eius scripta libellum de facto fratris Clementis Dominicani, & rationibus propter quas tyranni interdum tolli possunt. Qui mortem constantissime ferens se, & societatem vere innocentem esse in ipsis supplicij scalis affirmavit, & magno exemplo catholicis omnibus fuit. Idemque cum more Gallico iuberetur emendam honorabilem facere, qua damnatus petit veniam à Deo, à Rege, & à Iustitia, respondit, se veniam à Deo, quem sæpe offenderat, humiliter petere, sed non à Rege, quem non offenderat; neque petere à Iudicibus sibi ignosci, sed se ipsis ignoscere.

Die sequenti 8. Ianuarij Pater Prouincialis cum Patribus, & fratribus omnibus, qui tum in Collegio erant, tum in domo professa (ubi eadem seueritate Iesuitæ habiti sunt a militibus præsidarijs & ab alijs) ex vrbe Parisiensi, expulsi sunt, & infra xv. dies ex Franciæ Regno sub pæna capitis egredi iussi, vt prædictum est.

Post aliquot verò dies idem significatum est Rectori, & alijs sex carceratis; qui omnes singulari Dei ope, ad Collegium Mussipontanum superatis hyemis difficultatibus, & varijs periculis

culis incolumes eadem die xx. Ianuarij perue-
nerunt.

*Iniustum ac euidenter iniquum fuisse
decretum, quo Reuerendi Pa-
tres Iesuitæ à Francia Re-
gno pulsi sunt.*
Cap. XI.



NE M O dubitat magnum esse
malum seditione perturbare
Rempublicam, & eam contra
legitimum Principem cōcita-
re, cum inde pax & concor-
dia, quibus sublatis dissensio
inter ciues succedit, auferantur, ac mox ciuilia
bella, captiuitates, expoliationes, trucidatio-
nes, & similia mala subsequātur. [*Doctores in l. 1.
& 2. C. de seditiosis. Conradus Brunus lib. 3. de seditiosis.
cap. 1.*]

Et propterea acerba pœna in hoc hominum
genus iuste statuta est, nam populum perturbā-
tes, & ad tumultum prouocantes, vltimo sup-
plicio afficiendos, Imperator Leo constituit,
quo iure nunc vtimur; & Iulius Paulus olim
adhi-

adhibita distinctione, auctores seditionum & tumultus, pro qualitate dignitatis, aut in crucem tollendos, aut bestiis obijciendos, aut in insulam deportandos censuit. Cuius sententiam Iurisconsultus etiam secutus est. [*Leo in l. 2. C. de seditiosis. Iulius Paulus. lib. 5. receptar. senten. tit. xxij. Iurisconsultus in l. si quis aliquid. §. auctores. ff. de pœnis.*]

Quemadmodum singulares Reipublicæ vel Collegij alicuius homines, seditionem mouentes, & Rempublicam perturbantes, merito supplicio afficiuntur, vt proxime dictum est, ita communitates, vniuersitates, & collegia quædam idem facinus perpetrantia, condigna pœna tenentur. Cæterum in ea re diligens est adhibenda cautio, & inuestigatio, & criminis probatio, ne contingat innocentes, simul cum nocentibus condemnari. [*Bartolus in l. aut facta. §. nonnunquam. ff. de pœnis. Boerius tract. de seditio. quæst. 7. Conradus Brunus lib. 5. de seditio. cap. 9. & 12.*]

Nam quanquam magna sit inter Doctores controuersia, an multitudo vel vniuersitas, quæ committendo delinquit, puniri possit, & Cynus multorum sententias referat, & Bartolus more suo, multas distinctiones in medium proponat, denique in hac conclusione Doctores conuenire videtur, vt multitudine seditiosa delin-

E quente

per omnes Christi oues: quo iure vsque adeo quidē omnes homines habet subiectos, vt nec consuetudine, nec priuilegio, nec præscriptione quacumque vel tempore immemorabili, volentibus etiā ipsis Christi Vicarijs, induci possit, vt ab eius iurisdictione eximantur, aut liberentur. [*Augustinus de Amcon in summa de potestate Ecclesiastica, quæst. 61. artic. 2. & 3. Aluarus Pelagius lib. 1. de planctu Ecclesiæ, cap. 68. Panormitanus in cap. cum instantia, num. 6. vers. Quinimmo dicit. de censibus. Iacobatius tract. de concilio lib. 7. artic. 5. circa medium. Imola in cap. 1. de constit. & in cap. quanto. de consuetud.*]

Vnde quamquam gratis istius Parlamenti hominibus concederemus, Regem esse, aut Regem Franciæ aliquando fuisse Borbonium, non inde mox consequeretur, non potuisse illum excommunicari à Sixto V. aliouē Romano Pontifice; aut tamdiu vere excommunicatum non existere, quamdiu ab eodem Pontifice excommunicante, vel eius successore non fuerit absolutus.

Quæ sententia cum de crimine hæresis agitur, verissima est, tunc enim nemo catholicus etiam de schola Francorum, ausus est asserere, Reges in causa hæresis a Pontificum Romanorum potestate, aut iurisdictione exemptos. Co-

gente

gente enim veritate hanc sententiam sacris canonibus per omnia consentientem, Canonistæ, Iurisperiti, & Theologi amplexi sunt, & Galli quoque scriptores laudant. [Cap. excommunicamus. el primo. & cap. absolutos. de hæret. Antonius de Rosellis tract. de potest. Papæ, & Imperatoris in response ad nonam rationem. folio mihi x. Ioannes Igneus in disputatione, An Rex Franciæ recognoscat Imperatorem. num. 99. Mathæus de Afflictis, quamvis loquatur in feudis. tit. quibus modis amittat. §. Item si quis feudū. nu. 83. Albertinus in repetitione cap. 1. de hæret. lib. 6. quest. 15. num. 36. Alphonsus Castus. lib. 2. cap. 7. de iusta hæret. punit. Simancas de cathol. institutionib. tit. 9. nu. 259. Ioannes Lopez tract. de Regno Navarra, parte. 5. §. 7. Gregorius Lopez partia. 2. tit. 15. l. 2. Augustinus de Ancona in summa de potestate Ecclesiastica. quest. 46. art. 2. & 3.]

Postremò posset quispiam alia ratione defendere Parlamenti censuram, ex illa communi & recepta sententiâ Canonistarum asserentiū hæreticos in damnatas hæreses incidentes & poenitentes, ab Episcopis locorum absolui posse, etiam à censuris contra illos latis per sententias, & processus, qui olim contra hæreticos, & illorum fautores ter in anno à Romanis Pontificibus pronunciabantur: cum enim Pontifices nominatim sibi eam absolutionem non refer-

rent, Episcopis censebatur concessa absoluen-
di facultas. [*Archiep. in cap. ut officium. in princip.
in verbo Impendatis. de hæreticis. lib. 6. quem se-
quuntur ibidem Iohannes And. in cap. excommunicamus.
il primo. nu. 29. de hæret. glos. in cap. 2. in verbo. Non
sicut. 24. quest. 1.*]

Vnde licet concederetur, Borbonium excō-
municari, & ab Ecclesiæ corpore sequestrari
potuisse, potuit ille ab Episcopis Regni Fran-
ciæ absolui absq; speciali Papæ mandato, præ-
sertim in casu necessitatis; & consequenter nō
erat verum quod Castellus asseruerat; non esse
illum in Ecclesia ante Papæ approbationem, &
absolutionem.

Non defuerunt superiori anno, qui eam ab-
solutionem scripto edito legitimam fuisse ostē-
dere sint conati, quorum errorem nos peculiari
libro confutantes, demonstrauimus nullam Epi-
scopos Franciæ iurisdictionem habuisse ad il-
lum absoluumdum, & Ecclesiæ gremio restituē-
dum; ex eo libro copiose percipiet lector, quā
sit ista absurda sacrilegaq. sententia.

Nunc breuiter dixisse sufficiat, eam absolu-
tionem nullo pacto potuisse, aut posse suffraga-
ri Borbonio, primo, quia ab excommunicatio-
ne lata in processu Bullæ in coena Domini, qui
singulis annis nunc fieri & pronunciari feria v.

maioris

maioris hebdomadæ contra quoscunque hæreticos, & illorum fautores à summis Pontificibus consuevit, non possunt absoluerè Episcopi; quoniam Papa non obstantibus quorumcumque Conciliorum decretis, eam absolutionem sibi nominatim & expresse reseruauit, quam olim, vt antiqui Canonistæ affirmant, non reseruabat. [Cap. 20. S. cæterum. processus Bullæ in Cæna Domini.]

Præterea contra Borbonium extat specialis constitutio fel. record. Sixti V. per quam quoque ita ille remansit inhabilis, excōmunicatus & omni legitimo iure, & iuris priuilegio priuatus, vt ab alio, quàm a Romano Pōtifice benedici, absolui, habilitari, reintegrari, vel restitui minime possit. [Constitutio Sixti V. edita cōtra Borbonium anno 1585. in qua declaratur hæreticus, relapsus, impænitens, hæreticorum Dux, fautor, & defensor manifestus, publicus & notorius, & læsæ maiestatis diuinæ reus, & orthodoxæ fidei christianæ hostis.]

Quæ cum ita se habeant, nec Borbonius eiusque fautores ostendant illū a Romano Pontifice absolutum, teuera non est ille in Ecclesia, quemadmodum sunt alij fideles nobiscum cōmunicantes: & propterea Castelli propositio vera est & catholica, Parlamenti autem censure erronea, schismatica, scandalosa, & vere
Romanæ

Romanæ Ecclesiæ iniuriosa, & Romani Pontificis auctoritati detractiua.

Series decreti Parlamentalis, quo Reuerendi Patres Societatis Iesu è toto Regno Francia abire iussi sunt: & breuis enarratio totius rei gesta.

Cap. X.



VERSUS Parlamentum, vt ex Arresto ipso Gallice Parisijs impresso constat, cum Castellum damnasset, & duas supra explicatas illius propositiones hæreticas declarasset, iracundiæ suæ aculeos contra Iesuitas conuertit, atq; in hæc verba contra vniuersam illam sanctam, & Ecclesiæ catholicæ vtilissimam societatem infremuit: *Mandat*, scilicet Parlamentum, vt presbyteri & scholares Collegij Claramontensis, & omnes alij de dicta prætensa societate, tanquam corruptores iuuentutis, & perturbatores quietis publicæ, & inimici Regis & status, post tres dies a tempore intimationis præsen-

ris Arresti computandos, a Lutetia, & ab omnibus alijs urbibus & oppidis seu locis, ubi habent sua collegia, recedant; & deinde infra xv. dies exhibunt extra Regnum, sub pœna quod si elapso dicto tempore in eo reperti fuerint commorari, tãquam criminosi, & culpabiles criminis lese maiestatis punientur. Bona verò eorum tam mobilia, quàm immobilia applicabuntur & assignabuntur pijs operibus, sicut Parlamentum duxerit ordinandum.

Præterea omnibus Regis subditis inhibetur sub eadẽ pœna criminis lese maiestatis, ne mittant scholares ad collegia prædictæ societatis, etiam quæ sunt extra Regnum Franciæ.

Ac tale profecto est Parlamenti decretum; cuius iustitiam & pietatem, vt facilius agnoscamus, quomodo sese res habuerit, breuiter est indicandum.

Anno superiori 1594. in ipso die Sancti Ioannis Euangelistæ 27. Decembris, Ioannes Castellus Parisiensis adolescens annorum circiter xx. Henricum Borbonium eodem die ex Picardia reuersum, hora septima post meridiẽ, gladio interficere est conatus: qui cum gut-

tur transfigere vellet, in quod gladium direxerat, & Henricus expuendi gratia, caput paulū inclinasset, factum fuit propterea vt labium superius dextrum disciderit, dentemque solum fregerit. Mox captus, ac diligentissime inquisitus primo blanditijs, deinde minis, ac factis effracto scilicet minimo digito manus, atque appposito ad guttur pugione, de auctoribus & conscijs eius facti interrogatus, semper constantissime respōdit, se id consilij cum nemine omnino comunicasse, ne ab incoepto auocaretur, id vero suscepisse, vt Borbonium tanquam tyrannum, & hypocritam, & Religionis Catholicæ euerforem e medio tolleret. Duabus circiter horis postea missi sunt tres consiliarij cum armatis militibus in Collegiū societatis Iesu, (vbi adolescens dixerat se Philosophiæ cursum iam septem exactis mensibus audiuisse, tunc enim operam dabat iurisprudentiæ) qui primo aditu clauēs Ianitori detraxerunt, & vocato Patre Alexandro Georgio Rectore collegij, quaesierunt, quot e Iesuitis ibi habitarent; quo peracto Patrem Clementem Puteanum cū ceteris Patribus, & Fratribus in aedes vicini Consiliarij deduxerunt relicto in Collegio præsidio militum, & solo Rectore cum quibusdam egrotis, & conuictoribus omnibus, ne quid mali interim

terimi accideret.

Eadem nocte, quam omnes Iesuitæ duxerunt in somnium, vocatus est à primo Præsidente Parlamenti Pater Ioānes Gueretius adolescētis, (vt ipse indicauerat) in Philosophia Magister, atque diligenter & sapius interrogatus, an eius facti conscius esset; quod cum ipse verissime negaret, adductus adolescens veritatem confirmauit, se videlicet illud neque illi, neque ulli alij communicasse; plurimum tamen dolere, quod videret Patres Societatis propterea in periculum adductos. Neque vero aliquid vnquam in eorum scholis audiuisse, ex quo ad id faciendum permotus esset; idque semper constantissime ad vltimum vsque spiritum affirmavit, tum sapius à Iudicibus, de conscijs, siqui essent, interrogatus, & eos indicare iussus à Patre honesto mercatore, qui propterea cum omnibus consanguineis in carcerē coniectus fuerat, tum in tortura ordinaria & extraordinaria, & in grauissimis tormentis, quæ pertulit; videlicet amputata manu dextra; adhibitis forcipibus candentibus ad brachia & crura; & dum corpus in quattuor partes à quattuor equis discerperetur, eadem constantia in concepta sententia permansit.

Die sanctorum Innocentium mane Patē
Prouin-

Prouincialis, & alij in Collegio reducti, impedientibus militibus, ne amici ad Collegium accederent, neue egredi liceret ad consulendum rebus vrgentibus; tempore prandij plerique iuniores aduocati, & alij à primo Præside in Collegiū missi, cubicula perquisierunt, libros, & chartas omnes curiosissime inspexerunt, & scripta aliqua secum asportarunt. Sub vesperam alios duos in carcerem coniecerunt, & sequentibus diebus alios cum Patres, tum Fratres omnino octo, inter quos & ipse Pater Rector, in obscurissima carcerum loca ijs, qui de vita periclitantur, destinata, separatim retrusi.

Die 29. Decembris, quo Castellus adolescens supplicio affectus est, Pater Gueretius presentibus omnibus iudicibus seuerissime examinatus, si forte vlla esset occasio illum condemnandi, vna cum discipulo, ita satisfecit, vt in carcerem reductus, non nisi post decem dies torturam perferre iussus est, quam Dei ope iudicibus obstupescens, patientissime tolerauit, tandem tanquam innocens cum alijs liberatus est. Interim aliquot Iudices in Collegium missi, maiores conuictores examinarunt, rogaruntque, an aliquid à Patribus carcera-
tis audiuisent, quo eos damnare possent; sed per Dei gratiam nihil compertum.

Ceterum Pater Ioannes Guignardus Theologiae professor, natione Gallus, laqueo vitam finire iussus est, ob inuentum inter eius scripta libellum de facto fratris Clementis Dominici, & rationibus propter quas tyranni interdum tolli possunt. Qui mortem constantissime ferens se, & societatem vere innocentem esse in ipsis supplicij scalis affirmavit, & magno exemplo catholicis omnibus fuit. Idemque cum more Gallico iuberetur emendam honorabilem facere, qua damnatus petit veniam à Deo, à Rege, & à Iustitia, respondit, se veniam à Deo, quem saepe offenderat, humiliter petere, sed non à Rege, quem non offenderat; neque petere à ludicibus sibi ignosci, sed se ipsis ignoscere.

Die sequenti 8. Ianuarij Pater Prouincialis cum Patribus, & fratribus omnibus, qui tum in Collegio erant, tum in domo professa (vbi eadem seueritate Iesuitæ habiti sunt a militibus praesidiarijs & ab alijs) ex vrbe Parisiensi, expulsi sunt, & infra xv. dies ex Franciæ Regno sub pæna capitis egredi iussi, vt praedictum est.

Post aliquot verò dies idem significatum est Rectori, & alijs sex carceratis; qui omnes singulari Dei ope, ad Collegium Mussipontanum superatis hyemis difficultatibus, & varijs periculis

culis incolumes eadem die xx. Ianuarij perue-
nerunt.

*Iniustum ac euidenter iniquum fuisse
decretum, quo Reuerendi Pa-
tres Iesuitæ à Francia Re-
gno pulsi sunt.*
Cap. XI.



EMO dubitat magnum esse
malum seditione perturbare
Rempubicam, & eam contra
legitimum Principem cōcita-
re, cum inde pax & concor-
dia, quibus sublatis dissensio
inter ciues succedit, auferantur, ac mox ciuilia
bella, captiuitates, expoliationes, trucidatio-
nes, & similia mala subsequantur. [*Doctores in l. 1.
& 2. C. de seditiosis. Conradus Brunus lib. 3. de seditiosis.
cap. 1.*]

Et propterea acerba poena in hoc hominum
genus iuste statuta est, nam populum perturbā-
tes, & ad tumultum prouocantes, vltimo sup-
plicio afficiendos, Imperator Leo constituit,
quo iure nunc vtimur; & Iulius Paulus olim
adhi-

adhibita distinctione, auctores seditionum & tumultus, pro qualitate dignitatis, aut in crucem tollendos, aut bestiis obijciendos, aut in insulam deportandos censuit. Cuius sententiam Iurisconsultus etiam secutus est. [*Leo in l. 2. C. de seditiosis. Iulius Paulus. lib. 5. receptar. senten. tit. xxij. Iurisconsultus in l. si quis aliquid. §. auctores. ff. de penis.*]

Quemadmodum singulares Reipublicæ vel Collegij alicuius homines, seditionem mouētes, & Rempublicā perturbantes, merito supplicio afficiuntur, vt proxime dictum est, ita communitates, vniuersitates, & collegia quædam idem facimus perpetrantia, condigna pœna renetur. Cæterum in ea re diligens est adhibenda cautio, & inuestigatio, & criminis probatio, ne contingat innocentes, simul cum nocentibus condemnari. [*Bartolus in l. aut facta. §. nonnunquam. ff. de penis. Boerius tract. de sedition. quæst. 7. Conradus Brunus lib. 5. de sedition. cap. 9. & 12.*]

Nam quanquam magna sit inter Doctores controuersia, an multitudo vel vniuersitas, quæ committendo delinquit, puniri possit, & Cynus multorum sententias referat, & Bartolus more suo, multas distinctiones in medium proponat, denique in hac conclusione Doctores cōuenire videtur, vt multitudine seditiosa delin-

E quente

quente, non vniuersi & innocentes, sed perpetrantes delictum, & nocentes solum puniuntur. Quæ locum habet etiam si leuato vexillo, & campana pulsata, id malum fecisse dicantur: nam si omnium consilium, & deliberatio non præcessit, auctores tantum siue incitatores seditionis & perturbationis, rei habebuntur, & singuli, non vniuersi sacrilegium perpetrasse dicentur, & illi solum merita poena plecentur. [*Cynus in l. si quis in tantam. C. vnde vi. Bartolus in dicta l. aut facta. §. nonnumquam. ff. de pænis. Boerius tractatu de seditiosis. quæstione 7. num. 8. Salicetus in l. 1. quæstione 3. C. de seditiosis. Antonius de Butrio, Ioannes de Anania, Abbas, & Felinus in cap. dilectus. de simonia.*]

Omnes vero nemine excepto, plenam delicti probationem requirunt, vel per euidentiā facti, vel per propriam confessionem, aut alias legitimas & concludentes rationes: & nisi adeo notorium & manifestū seditionis, aut perturbati Reipublicæ status crimen sit, vt nulla possit excusatione defendi, (tunc enim Innocentius, quem reliqui secuti sunt, & latissime defendit Hippolytus, non requiri plenarium iudicium in procedendo, & causa iudicanda, censuit) nec debent, neque omitti possunt legitimi actus iudiciales & solemnitates, quas iustum

stum & rectum iudicium requirit, vt causa contra delinquentes iure terminetur. Itaque & accusatio & inquisitio seu denunciatio, & probationes fieri debent, & quod est omnium præcipuum & maximum in iudicijs, post citationes & petitiones, & probationes contra reos factas, exceptiones admittendæ sunt, & defensiones omnino cōcedendæ, quas omnia iura diuina, humanaq. cōcedūt. [*Innocētius in cap. 1. de constitut. Marsilius in l. vnus. S. cogniturum. ff. de quest. idem Hippolytus cōsil. 43. incip. Magnifice. Arretinus cōsil. 163. incip. Sicut Ioānes dicit. Clem. pastoralis. de re iudic. Cōradus Brunus lib. 5. de seditiosis. cap. 12.*]

In hoc Parlamēti decreto nullum delictum Patrum Iesuitarum fuisse probatum, res ipsa indicat, cum facta diligenti perquisitione, & Patribus in carcerem coniectis, atque seuerissime interrogatis, nihil detectum fuerit, nihil inuentum, ex quo seditiosi, aut Regni status perturbatores apprehendi potuerint.

Sed quod maius innocentiae indicium, aut inculpatae vitae signum inueniri potuit, quam quod Parlamentum facto ipso exhibuit, cum post seuerissime tortum Castelli adolescentis præceptorem Gueretium, & cæteros Patres acri examine interrogatos, eos è carcere liberarit? quos tamen si vel in minimo culpabiles

reperijsſent, non minus ſupplicio affeciſſent, quam Patrum Guignardum, quem laqueo vitam finire iuſſerunt ob inventum ſolum inter eius ſcripta libellum de faſto fratris Clementis Dominicanus, vt ſuperiori capite oſtenſum eſt.

Poſtremò illud luce clarius oſtendit decreti iniquitatem; nam cum à die inſtituti iudicij contra Patres ſocietatis Ieſu, vſque ad condemnationem, per quam exilium decretum eſt ab vniuerſo Regno Franciæ, vix tres dies elapſi fuerint: (Caſtellus enim adoleſcens, qui exilio cauſam dedit, die xxvij. Decembris Borbonium occidere eſt conatus, & die xxix. eiufdem ille vltimo ſupplicio affectus eſt, & Patres in exilium acti.) in hac temporis breuitate, cum non licuerit legitimæ probationes facere, nec deſenſiones neceſſarias admittere, concludenter probatur iudicem iniquiſſime iudicaſſe. [*Cap. præterea, vbi notatur de ætate & qual. Bald. in l. Gracchus. C. de adulter.*]

Neque iniuſtitiam decreti purgat natura cauſæ, quaſi non requireret ordinem iudicium, ex eo quod ageretur de crimine læſæ maiestatis, in quo proceditur ſummarie, ſimpliciter, & de plano: iſta enim non efficiunt quin iudicij ſubſtantialia obſeruari debeant, nec

nec propterea fit iudicâti facultas repête reum
condemnandi, ita vt defenfiones legitimas ei
concedere non teneatur, hæc enim non tam à
lege positiua, quàm à naturali iure inducta
sunt. [*L. vi. rim. ff. de iustitia & iure. facit clement.
Pastoralis. de re iudicata. cap. Deus. 2. quæst. 1. l. non
tantum. ff. de appell.*]

*Patres societatis Iesu non esse iuuen-
tutis corruptores, sed integros, &
incorruptos bonorum morum ma-
gistros, & doctrinæ Christianæ ve-
races & assiduos Doctores.*

Cap. XII.

DECRETVM Parliamentale tria crimina obijcit Iesui-
tis, vt propterea iure de-Re-
gno expelli debuerint. Pri-
mum, quia sunt iuuentutis
corruptores. Alterum, quia
sunt publicæ pacis perturbatores. Tertium,
quia sunt inimici Regis & status. De singulis
breuiter est dicendum.

Et quantum ad primum caput attinet, notum esse puto hanc saluberrimam, & vniuersæ catholicæ Ecclesiæ vtilissimam Religionem ante sexaginta annos ab Ignatio Loiola Nauiarro, viro profundæ humilitatis & pietatis, opẽ diuina institutam, primum per fel. record. Paulum Papam III. anno 1540. & per eundem postmodum anno 1543. ac rursus per Iulium III. illius successorem anno 1550. confirmatam fuisse, vt interim omittantur, diuersæ litteræ Apostolicæ, quibus ei varia priuilegia conceduntur, vt insignem propterea Parlamentum Sedi Apostolicæ iniuriam irrigarit, quod ea inconsulta, cuius est Religiones instituire, & institutas reformare aut destituere, aut corrigere & emẽdare, tam graui nota eam contra omne fas, & iustitiam præcipitanter inuaserit. Sed iniquum illius præiudicium nusquam potest apud viros bonos huius Religionis famam lædere, aut minuere existimationem: cum omnes Catholici toto orbe diffusi probe cognoscant, hanc Religionem esse nunc in Ecclesia Dei tanquam murum, quo eius hostes in eam irruere prohibentur: illius alumnos esse vigiles custodes, arcetes vulpeculas, id est, hæreticos, ne vineam Domini demoliantur: esse tanquam sidera lucentia in perpetuas

tuas æternitates, quoniam arcana Dei, & doctrinam eius catholicam & Christianam, sic orbem docuerint & doceant; vt in prouincijs, quibus verbum Dei annunciauerunt, & annunciant, errorum tenebras depulerint, mores correxerint, viam cœlestem aperuerint, æternitatis aditum credentibus patefecerint; & denique instar Ezechię Pij Regis Israelis tum in India Orientali, Iappone, & alijs longe lateque remotis orbis partibus, quas in Christo pie instituendas susceperunt, excelsa dissipauerint, dæmonum statuas contriuerint, lucos succiderint, & in eorum locum Crucis vexilla intulerint, constituerint, & solum verum Deum, & Iesum Christum filium eius adorandum demonstrauerint.

Sed tum ex qualitate moribusq. Iesuitarum, tum ex actionibus institutoq. illorum, quam sit iniquum Parlamenti iudicium, luce clarius patefiet.

Quia finis societatis est, non solum perfectioni propriarum animarum cum diuina gratia vacare; sed cum eadem impense in salutem & perfectionem proximorum incumbere: Ideo in eam, non nisi (quoad eius fieri potest) integri & bene probati admittuntur: ac nominatim ingressu prohibentur, omnes qui à gremio

sanctæ Romanæ Ecclesiæ recessisse deprehenduntur, fidem abnegando, vel in errores contra ipsam incurrando, vel suspicionem hæresis contrahendo, item infames ob excommunicationem, schismatici, homicidæ, & ob alia flagitia infames : istos enim tantæ Religionis fundator, non iudicauit idoneos ad bene & fideliter euangelizandū, & in agro Domini verbum diuinum seminandum. [*Constitut. societatis Iesu in generali examine. cap. 1. §. 1. & 2. & cap. 2. §. 1. & multis seqq. & in constitutionib. par. 1. cap. 3. §. 3. & sequen.*]

Quod attinet ad iuuenes, & scholares, quos in suis collegijs & vniuersitatibus instituendos suscipiunt, mirum est, quanto studio ardoreque charitatis accensus curauerit fundator, vt simul cum litteris humanioribus, virtutes omnes, in primis autem pietatem, & Christianam doctrinā imbiberent, cum nō vno loco præceperit, vt in Societatis scholis teneretur is modus, quo externi scholastici in ijs, quæ ad doctrinam Christianam pertinent, bene instituerentur, curareturque quo ad eius fieri posset, vt singulis mensibus ad sacramentum confessionis accederent, verbum Dei frequenter audirent, aliquot diebus in singulis hebdomadibus doctrina Christiana, ac modus bene & cū fructu

fructu confitendi, communicandi, Missam audiendi, & in eadem ministrandi, orandi, & meditando, explicarentur, ut demum cum literis mores etiam Christianis dignos haurirent.

[Parte 3. constit. cap. 1. §. 20. & parte 4. cap. 7. §. 1. & 2. & cap. 16. & alibi. sepe.]

Non possum me continere quin integrum & egregium ac pietatis plenum de hac ipsa re constitutionis decretum apponam, quod his verbis scriptum est.

§. 1.

Diligenter curetur, ut qui literas discendi gratia ad uniuersitates societatis se conferunt, simul cum illis bonos ac Christianis dignos mores addiscant: ad quod multum iuuerit, si omnes singulis saltem mensibus semel ad confessionis sacramentum accedent: si Missam quotidie, concionem singulis diebus festis (cum ea fiet) audient. Ex præceptoribus autem quisque hoc à suis discipulis præstari curabit.

§. 2.

Pralegatur etiam in Collegio, aliquo die cuiuscunque hebdomadae Christiana doctrina; & ut pueri eam ediscant, & recitent, omnesque etiam adultiores, si fieri potest, eadem sciant, curabitur.

§. 3.

Habebitur etiam singulis hebdomadis (ut de Collegijs est dictum) ab aliquo ex scolasticis declamatio de rebus, quae audientibus edificationi sint, eosque ad argumentum in omni puritate ac virtute expetendum inuitent; ut non solum stylus exerceatur, sed mores meliores reddantur. omnes autem eos, qui latine sciunt, huiusmodi declamationi interesse oportebit.

§. 4.

In scholis nec iuramenta, nec iniurie verbo,
vel

vel factio illata, nec inhonestam, aut dissolutum quid in externis ad scholas accedentibus permittatur. Feratur autem Præceptorum peculiaris intentio, tam in lectionibus, cum se occasio obtulerit, quam extra eas ad eosdem, ad obsequium & amorem Dei ac virtutum, quibus ei placere oportet, monendos; & ut omnia sua studia ad hunc finem referant. Quod ut ad memoriam eis reducatur, ante lectionis initium dicat aliquis breuem orationē ad id institutam, quam præceptor & discipuli omnes aperto capite attente audient.

§. 5.



Propter eos, qui tam in diligentia suis studiis adhibenda, quam in his, quæ ad bonos mores pertinent, peccauerint; & cum quibus sola verba bona, & exhortationes non sufficiunt, Corrector (qui de societate non sit) constituatur, qui pueros in timore contineat, & eos, quibus id opus erit, quique castigationis huiusmodi erunt capaces, castiget. Cum autem nec verba, nec corre-

Et oris officium satis esset, & in aliquo emenda-
tio non speraretur, alijsque esse offendiculo vi-
deretur; præstat à scholis eum remouere, quam
ubi parum ipse proficit, & alijs nocet, retinere.
Hoc autem iudicium Rectori vniuersitatis, ut
omnia ad gloriam & seruitium Dei, ut par est,
procedant, relinquetur. Hæc ibi. [Parte 4. con-
stitutionum societatis, cap. 16.]

Etiam quia lectio librorum vehementer solet
formare iuuenū animos, & eos vel in vitia, vel
in virtutes impellere, nullus est enim magister,
qui bonos malosue mores efficacius psuadeat,
quam assidua quædam & tacita librorū lectio,
propterea ne qua contagione iuuenum inge-
nia mentesque macularentur, idem ille funda-
tor de hac re in hæc verba constituit:

Generatim illi prælegentur libri, qui in qua-
uis facultate solidioris ac securioris doctrina ha-
bebuntur. Nec illi sunt attingendi, quorum do-
ctrina, vel auctores suspecti sint.

§. 2.

Quod attinet ad libros humanarum litera-
rū Latinos, vel Græcos, abstineatur in Vniuersi-
tatibus

tatibus quoque quemadmodum in collegijs quo ad eius fieri poterit, ab eis iuventuti prælegendis, in quibus sit aliquid quod bonis moribus nocere queat; nisi prius à rebus & verbis inhonestis purgati sint. [Parte. 4. constit. cap. 14. §. 1. & 2.]

Hæc & plura his similia vbique docent sacræ societatis cōstitutiones, omni ex parte pietatem redolentes, vt Iuuenum animi ad sanctitatem formētur, & in viros pios vereque Catholicos euadant, vt propterea iniustissimum fuerint Parlamenti iudicium decernentis ex vniuerso Franciæ Regno expellēdos Patres Iesuitas tanquam corruptores iuventutis: quos re vera non eo nomine quod corruptores iuventutis essent, exilio multauit, sed quoniā timuit, ne Caluini doctrina, quam cum prætenso Rege suo maior Parlamenti pars amplectitur, Christi Euangelio, quod Prætres annūciant, doctrinæque Christianæ, quam potissimum adolescentes docent, cedere cogeretur, hoc enim est iudicio illorum corrumpere iuventutem, dare scilicet operam, ne candidæ puræque adolescentium mentes, hæresum fœditate, & Caluinismi impietate, quæ longo intervallo omnes omniū hereticorum perfidiam superat, polluantur.

Iesuitas non esse pacis & tranquillitatis publicæ perturbatores.

Cap. XIII.



CATHOLICAM Religionem defendere, vocat Parlamentū pacem publicam perturbare, & Orthodoxę fidei defensores, cōtra veritatē esse asserit publicæ tranquillitatis perturbatores.

Hoc ita esse apertissime constat ex illa controuersia, quam superiori anno 1594. quidam Antonius Arnaldus in Parlamento aduocatus Gallice scripsit, & contra Iesuitas, multis horrendisque blasphemijs refertam publicauit, in qua primo sanctissimum illorum carpit institutum.

Ex fundatore Ignatio Hispano odium contra illos excitare nititur, ex quo fundamento omnes pariter vnius nationis Sāctos, alteri nationi suspectos reddere facile liceret.

Propensionem eorum in Regem catholicum Philippum, quia catholicus & Religionis defensor est, suspectam arguit.

Quod vitia carpant, & periculosas & nouas doctrinas euitandas iuuenes doceant, corruptores

ptores iuuentutis vocat .

Multa quorundam iudicia inculcat contra nascentem olim societatem, quasi Dæmone instigante, non omnes Religiones eadem sint passæ impedimenta antequam à sede Apostolica comprobarentur .

Multa eos à catholico Rege beneficia accepisse docet, vt vniuerso Regno Franciæ suspectos reddat, vniuersitatem studiorum Parisiensem, eos prope deleuisse conatur ostendere, vt concludat, status Regni perturbationem ex eorum actionibus oriri . Sed diligenter inspectis omnibus, & matura deliberatione discussis, prudens lector ex eodem scripto colliget, propterea Iesuitas isto perturbatorū publicæ quietis nomine vrgeri, quod omnes actiones suas ad pietatem, ad extirpandas hæreses, aut procurandum & obsistendum ne latis serpent, constantissime referant .

Huc enim spectare huius Religionis studia vterque Gregorius, qui eam comprobauit, confirmauitque, luculenter ostendit .

Primum Gregorius . XIII. ita ait : Priuilegia non immerito ab eis [Romanis scilicet Pontificibus] sunt concessa, ob egregias virtutes, & dona societati antedictæ diuinitus elargita,

elargita, cuius præcipuus finis catholica est R e-
 ligionis defensio ac propagatio, animarumque in
 Christiana vita & doctrina profectus. gratia
 quoque eius vocationis est proprium, diuersa or-
 bis terrarum loca ex R omani Pontificis, seu Præ-
 positi generalis eiusdem Societatis directione
 peragrarè, vitamq. in quauis mundi parte age-
 re, ubi saluandarum sua opera animarum co-
 piosior prouentus ad Dei gloriam speretur. Ad
 quem finem Spiritus sanctus bo. mem. Ignatij
 Loyolæ societatis ipsius institutoris, eiusque so-
 ciorum excitator, media quoque prædicationum,
 ac cuiuscumque ministerij verbi Dei, doctrineq.
 Christianæ, & spiritualium exercitiorum, alio-
 rum item charitatis operum, & Sacramentorum
 administrationis, ac præcipue pænitentiae, &
 Eucharistiæ, horumq. frequentioris usus accom-
 modauit. Ad quæ sufficienter & pro dignitate
 præstanda, difficultates superandas, periculaq.
 adeunda, quibus dictæ Societatis religiosi in hu-
 iusmodi discursionibus, & ministerijs exponun-
 tur, necesse est, ut ipsi talia obituri, magno vir-
 tutis & deuotionis præsidio muniantur, quod il-
 lis

lis gratia in primis Omnipotentis Dei, simulq. educatio ipsa, longa item in Societate probatio, necnon regularum, & constitutionum obseruantia præstare noscuntur. Hæc ibi. [Gregorius XIII. constitutione incipien. Ascendente Domino.]

Alter Gregorius nempe XIII. non minus illustre de eadem societate reddidit testimoniū, cōstitutione quadam incipien. *Ecclesiæ Catholicæ.* qua societatis institutum, & rationem gubernandi confirmavit. Vbi præ ceteris ait, hanc religionem nouissimis hisce diebus à diuina fuisse prouidentia excitatam.

Hoc ergo vehementer displicebat hominibus Calvinianæ hæreseos veneno infectis, tolerare scilicet in Regno Franciæ eam religionem, per quam in primis idem Regnum è seruitute Caluini, in libertatē CHRISTI posset DEO adiuuante vindicari.

Iesuitas non esse Regis aut status inimicos, ut Parlamentū asseruit.

Cap. XIV.




ISDEM rationibus nititur hæc assertio, quibus duæ alię superiores, quarum confutationi hæc præterea addimus, Iesuitas nullius Regis Franciæ nunc esse inimicos, cum nullum legitimum Regem habeat: nam Borbonius qui se mendaciter Regem facit, tyrannus est, & Ecclesiæ hostis: si quem Regis titulum iure sanguinis prætereundum poterat, illum legitimo iure perdidit: ut late demonstratum est, libello quodam particulari, qui ante multos dies videbit lucem.

Status Regni non sunt inimici, quod in auita maiorum religione, hoc est, catholica, & Apostolica Romana tueri, ac conseruare curarunt.

Sed quo ruitis miseri? si docentes vos filiosque vestros Christi Euāgelium, vocatis inimicos, & è patrijs sedibus pellitis, postegressum illorum, instar infamium vrbium, quæ egrediente Loth, igne de Cœlo misso conflagrarunt,

grarunt, expectate incendium, & iram Dei super vos venturam; si populum Dei, & oues pascuas eius persequimini, postquã à vobis euaferint, Pharaonis, & Aegyptiorum instar, expectate fluctus maris, qui vobis imminet, hoc est, calamitosas vrbium direptiones, infelices vestrorum interitus, intestina bella ciuilia, & dissensiones, fructus scilicet Euangelij Caluianiani, miseriarumque omnium procellas & tempestates, quibus miserrime obruamini: nam si boni sunt vobis inuisi, necesse est, vt cum peruersis & malis infeliciter pereatis.

F I N I S.









BIBLIOTECA